

M318: Evangelienbuch des Matthias von Beheim

53r,1 die êrste vorerede Matheî .
 53r,2 Matheus ûz Judêa . also her in der ordenunge
 53r,3 der êrste ist gesetzet . alsô schreip
 53r,4 her der êrste in Judêa daz evangelium .
 53r,5 des ruofunge was zuo gote . ûz offenen
 53r,6 süntelichen werken . unde her ist zuo vernemenne .
 53r,7 zweier beginnunge in der geberunge Christî .
 53r,8 daz eine was di êrste besnîdunge in dem
 53r,9 vleische . daz andere . daz was di erwelunge
 53r,10 nâch deme herzen . wan ûz ietwederen
 53r,11 veteran ist Christus . unde alsô ist der vierzênde
 53r,12 numerus drîformelîche gesetzet .
 53r,13 unde her ist rihtente daz begin . von dem
 53r,14 gelouben der getrûwunge in der zît der erwelunge .
 53r,15 alsô daz her ûz der erwelunge
 53r,16 ist rihtente biz an den tac der übervart .
 53r,17 unde von deme tage der übervart ist her endente
 53r,18 biz zuo Christô . unde bewîset di geberunge des hêrren zuokunft
 53r,19 sîn verloufen . unde alsô daz her der zale .
 53r,20 unde der zît genuoc tuonte . unde zeiget sich waz her
 53r,21 wære . unde wîset in ime gotes werc . unde daz her
 53r,22 ouch in den der künne her hatte gesetzet niht lougenete
 53r,23 daz geziugnisse Christî . der wirkente ist von
 53r,24 dem beginne . unde alle dirre dinge zît ordenunge .
 53r,25 der zal schickunge . oder redunge . unde swaz dem
 53r,26 gelouben nôtdurft ist . got ist Christus . der gemacht .

 53v,1 ist ûz einem wîbe . der gemacht ist under der êwe . der geboren
 53v,2 ist ûz der juncvrouwen . der geliten hât in dem vleische .
 53v,3 der hât al geheftet an dem kriuze . alsô daz her
 53v,4 sigevehtente si widerbræhte in ime selber . unde
 53v,5 ûf erstanten in dem lîchame . unde daz her des vateres
 53v,6 namen in den veteran wider satzte dem sune . unde des
 53v,7 sunes namen in den sünen wider satzte dem vatere .
 53v,8 unde bewîsente âne begin unde âne ende sich mit
 53v,9 dem vater ein sîn . wan her ein ist . in diseme evangeliô
 53v,10 ist iz nütze den got begerenten . alsô zuo bekennenne
 53v,11 di êrsten . oder di mittelsten . oder di volkommenen

- 53v,12 dinc . unde daz si ouch überal lesente
 53v,13 verstuonten des apostelen ruofunge . unde daz werc
 53v,14 des êvangeliumes . unde di liebe gotes in dem vleische
 53v,15 geboren . unde daz si daz bekanten in ime . in dem
 53v,16 si begriffen sint . unde heischen zuo begrifenne . wan
 53v,17 uns was in diseme vlîze . des argumendes niht
 53v,18 zuo swîgenne den suochenten . unde den gelouben zuo
 53v,19 gebenne des geschênen dinges . unde vlîziclichen
 53v,20 sin zuo verstênne di schickunge gotes wirkente . di andere vorerede .
 Hieronimî
 53v,21 Matheus dô her von êrst
 53v,22 daz evangelium in Judêa predigete . dô wolte her
 53v,23 ûf gên zuo dem volke . unde vone êrst schreip her
 53v,24 daz evangelium êbrêischen . daz her den bruoderen von
 53v,25 den her gegangen was zuo gedæhtnisse lieze . wan iz
 53v,26 was nôtdurft zuo sterkenne den gelouben . unde daz evangelium

 54r,1 alsô zuo predigenne . unde bî den ketzeren zuo schrîbenne .
 54r,2 swanne aber ir mer daz evangelium schrîbet . viere haben
 54r,3 gewalt des geziuges . wan durch vier teil der werlte
 54r,4 offenbâret sich der geloube der drîvalticheit . wan sie
 54r,5 sîn also vier rade in des hêrren wagene . der en ziuhet übermittes
 54r,6 di predigâte des êvangeliumes . unde menschlich
 54r,7 geslehte erloeset von vier leie tôde mit predigenne lebenes
 54r,8 machunge . dâr umbe sint di anderen êvangelia
 54r,9 abe gegangen . unde sint niht genomen . wan si volgen
 54r,10 der vore gênten zale predigen durch di kraft des sacramendes .
 54r,11 ez bediutet ouch di vier êvangeliën di vier
 54r,12 figûren . di niht betrûgelich sint . sundern den vroelichen
 54r,13 dienest in zuo wizzenne . Matheus . ist zuo verstânne
 54r,14 in einem menschlichen . wan her bî der menschlichkeit Christî
 54r,15 zuo pflege hât gewonet . Markus . bî eineme lewen .
 54r,16 wan her saget von der ûferstantunge . Lucas .
 54r,17 bî eineme kalbe . wan her saget von der priesterschaft . Johannes .
 54r,18 bî eineme adelarn . wan her schrîbet di sacrament der
 54r,19 goteheit . wêrlichen Christum den si beschrîben . her ist ein
 54r,20 menschliche geboren von der meide . unde daz kalp in opferunge .
 54r,21 unde den adelarn bî der ûfvarunge . unde bî dem menschlichen
 54r,22 di menschlichkeit . unde bî dem kalbe di priesterschaft . unde
 54r,23 bî dem lewen di ûferstantunge . unde bî dem adelarn .
 54r,24 bewîset her di sacramenta der goteheit . hier endet di
 54r,25 vorerede Hironimî ... hier beginnet daz buoch . sanctî
 54r,26 Matheî des êwangelisten . unde daz êrste kapitel . liber

 54v,1 daz buoch der geburt Jêsu Christî . sun
 54v,2 Dâvides . sun Abrahames . Abraham
 54v,3 gebar Isaac . Isaac aber gebar
 54v,4 Jakop . Jakop aber gebar Judam unde

54v,5 sîne bruodere . Judas aber gebar Phares unde Zara
 54v,6 von Thamar . Phares aber gebar Esrom . Esrom
 54v,7 aber gebar Aram . Aram aber gebar Aminadap .
 54v,8 Aminadap aber gebar Naason . Naason aber gebar
 54v,9 Salmon . Salmon aber gebar Booz von Raap .
 54v,10 Booz aber gebar Obetch ûz Rutch . Obetch aber gebar
 54v,11 Jesse . Jesse aber gebar Dâvît den küninc . Dâvît
 54v,12 aber der küninc gebar Salomon ûz ir di vrîe was .
 54v,13 Salomon aber gebar Roboam . Roboam aber gebar
 54v,14 Abiam . Abia aber gebar Asa . Asa aber gebar
 54v,15 Josaphat . Josaphat aber gebar Joram . Joram
 54v,16 aber gebar Oziam . Ozias aber gebar Joathan .
 54v,17 Joathan aber gebar Achaz . Achaz aber gebar Ezechiam .
 54v,18 Ezechias aber gebar Manassen . Manasses
 54v,19 aber gebar Amon . Amon aber gebar Josiam .
 54v,20 Josias aber gebar Jekoniam unde sîne bruoder in der übervart
 54v,21 Babilônis . unde nâch der übervart Babilônis .
 54v,22 Jekonias gebar Salathiel . Salathiel aber
 54v,23 gebar Zorobabel . Zorobabel aber gebar Abiut .
 54v,24 Abiut aber gebar Eljachem . Eljachem aber gebar
 54v,25 Azor . Azor aber gebar Sadoch . Sadoch aber
 54v,26 gebar Achim . Achim aber gebar Eljut . Eljut

55r,1 aber gebar Eleazar . Eleazar aber gebar Mathan .
 55r,2 Mathan aber gebar Jakop . Jakop aber gebar Josepch
 55r,3 Marien man . von der geboren ist Jêsus . der
 55r,4 dâ heizet Christus // dâr umbe sint alle gebûrte
 55r,5 von Abraham biz zuo Dâvît vierzên gebûrte . unde
 55r,6 von Dâvît biz zuo der übervart Babilônis vierzên
 55r,7 gebûrte . unde von der übervart Babilônis
 55r,8 biz zuo Christô vierzên gebûrte . aber Christî geburt
 55r,9 was alsus . dô vertrûwet was Maria di muoter
 55r,10 Jêsu Josepch . unde er wan si zuosamene quâmen .
 55r,11 dô ist si vunden habente in dem lîbe von dem heiligen
 55r,12 geiste . Josepch aber ire man . wan her gereht
 55r,13 was . unde wolte si niht verleiten . dô wolte her sie
 55r,14 heimelîchen lâzen . dô her aber des gedâhte sehet
 55r,15 der engel des hêrren erschein Josephe in dem slâfe . unde
 55r,16 sprach . “Josepch Dâvîdes sun . dû salt dich niht vûrhten
 55r,17 zuo nemenne Marien dine hûsvrouwen . wan
 55r,18 daz in ir geboren ist . daz ist von dem heiligen geiste .
 55r,19 wan si gebiret einen sun . unde dû salt sînen namen
 55r,20 heizen Jêsum . wan her sal heil machen sîn volc von
 55r,21 iren sünden” // unde diz ist allez geschên . ûf daz ervûllet
 55r,22 würde daz gesprochen ist von dem hêrren
 55r,23 durch den prophêten sprechente “sehet ein juncvrouwe
 55r,24 sal haben in dem lîbe . unde gebiret einen sun . unde
 55r,25 sal sînen namen heizen Emanuel . daz ist bediutet .

- 55r,26 got mit uns .” unde Josepch stuont ûf von dem slâfe .
- 55v,1 unde tet alse ime der engel des hêrren geboten hatte .
 55v,2 unde nam sîne hûsvrouwen . unde bekante ir niht . biz daz
 55v,3 si gebar iren êrsten geborenen sun . unde hiez sînen namen Jêsum .
 55v,4 capitulum dâr umbe dô geboren
 55v,5 was Jêsus in Bêthlêhêm JudaeJudê . in den tagen Herôdis
 55v,6 des küniges sehet die künige quâmen von ôriende
 55v,7 zuo Jerusalem sprechente . “wâ ist der geboren ist der juden küninc .
 55v,8 wan wir sâhen sînen sternen in ôriende . unde sîn
 55v,9 kumen in an zuo betenne .” dô aber der küninc Herôdes
 55v,10 diz hôrte . her ist betrüebet . unde allez Jerusalem mit ime .
 55v,11 unde her samenete alle vürsten der priestere . unde di schribære
 55v,12 des volkes . unde vregete von in . wâ Christus geboren
 55v,13 würde . unde si sprâchen zuo ime . “in Bêthlêhêm Judae .
 55v,14 wan alsô ist iz geschriben durch den prophêten . unde dû
 55v,15 Bêthlêhêm lant Juda . bî nihte bis dû di minneste in
 55v,16 den vürsten tuome Juda . wan ûz dir gêt ûz der leitære .
 55v,17 der dâ vüeret mîn volc Israhel .” unde dô den künigen
 55v,18 heimelîchen geruofen wart . Herôdes lârte
 55v,19 vlîziclîchen von in di zît des sternen . der in erschinen
 55v,20 was . unde sande si in Bêthlêhêm unde sprach . “gêt unde
 55v,21 vreget vlîziclîchen von dem kinde . unde wenne ir iz
 55v,22 vindet . sô boteschaftet mir wider . daz ouch ich
 55v,23 kome . iz an zuo betenne .” unde dô si den küninc gehôrten .
 55v,24 dô giengen si enwec . unde sehet der sterne den si
 55v,25 gesehen hatten in ôriende . der gienc vore in . biz daz her
 55v,26 quam . unde stuont dâ bobene . dô daz kint was . aber
- 56r,1 dô si den sternen sâhen . dô sint si ervrôuwet sêre .
 56r,2 mit grôzen vrôuweden . unde si giengen in daz hûs unde
 56r,3 vunten daz kint mit Marien sîner muoter . unde
 56r,4 si vielen vüre iz . unde ane beteten iz . unde tâten ûf ire
 56r,5 schetze . si opfertên ime gâbe . golt . wîrouch . unde
 56r,6 mirren . unde si entviengen antwürte in dem slâfe . daz
 56r,7 si niht wider giengen zuo Herôden . aber durch einen
 56r,8 anderen wec sint si wider gekârt in ire künincriche .
 56r,9 // unde dô si enwec geschieden . sehet der engel des hêrren
 56r,10 erschein Josepch in dem slâfe . unde sprach . “stê ûf . unde
 56r,11 nim daz kint unde sîne muoter . unde vliuch in Egipten
 56r,12 unde belîp dâ biz daz ich dir sage . wan iz ist künftic .
 56r,13 daz Herôdes suochet daz kint . iz zuo verderbenne .”
 56r,14 unde her stuont ûf unde nam daz kint unde sîne muoter .
 56r,15 des nahtes . unde entweich in Egipten . unde was dâ .
 56r,16 biz zuo Herôdis verscheidunge . ûf daz ervüllet würde
 56r,17 daz gesprochen ist von dem hêrren durch den prophêten
 56r,18 sprechente . “ûz Egipten hân ich geruofen mînen sun .”
 56r,19 unde dô Herôdes sach daz her betrogen was von den

- 56r,20 künigen . her ist erzürnet sêre . unde her sande zuo toetenne
 56r,21 alle kindere . di dâ wâren in Bêthlêhêm . unde in allen
 56r,22 iren enden . von zwein jâren . unde dâ benidene . von der
 56r,23 zît daz her ervaren hatte von den künigen . unde dô ist
 56r,24 ervüllet daz gesprochen ist durch Jeremiam den prophêten .
 56r,25 sprechente . “ein stimme ist gehôrt in Rama .
 56r,26 vile weinennes unde hiulennes . Rachel weinete ire süne .
- 56v,1 unde wolte niht getrôst sîn . wan sie sint niht .”
 56v,2 // unde nâch dem tôde Herôdis . sehet der engel des hêrren
 56v,3 erschein Josepch in dem slâfe in Egipten sprechente . “stê
 56v,4 ûf unde nim daz kint unde sîne muoter . unde gê in daz
 56v,5 lant Israhel . wan si sint verscheiden . di dâ suochten di sêle
 56v,6 des kindes .” unde her stuont ûf . unde nam daz kint unde sîne
 56v,7 muoter . unde quam in daz lant Israhel . unde dô her hôrte daz Archelaus
 56v,8 hêrschete in Judêa vüre Herôden sînen vater .
 56v,9 dô vorhte her sich vüre in zuo gênnē . unde her wart vermanet
 56v,10 in dem slâfe . unde entweich in daz lant Galileae ..
 56v,11 unde her quam unde wonete in der stat Nazarêt . ûf daz
 56v,12 ervüllet würde daz gesprochen ist durch den prophêten
 56v,13 wan her sal nazareus geheizen werden . // capitulum
 56v,14 in den tagen dô quam Johannes toufær predigente in der
 56v,15 wüstenunge Judêe sprechente . “tuot pênitenzie . wan
 56v,16 iz nâhet daz rîche der himele . wan dirre ist von dem
 56v,17 gesprochen ist durch Isaiam den prophêten sprechente .
 56v,18 ein stimme des ruofenten in der wüstenunge . bereitet den
 56v,19 wec des hêrren . machet gerecht sîne stîge .” unde hêrr
 56v,20 Johannes hatte ein kleit von den hâren der kamele . unde
 56v,21 eine vellîne snuor umbe sîne lenden . unde sîn ezzen
 56v,22 was höuweschrecken . unde walthonic . unde dô giengen
 56v,23 zuo ime ûz di von Jerusâlêm . unde allez Judêa . unde allez künincrîche
 56v,24 neben dem Jordâne . unde wurden getoufet
 56v,25 von ime in dem Jordâne bekennente ire sünde . unde
 56v,26 dô her sach vile der pharisei unde der saducei komen zuo
- 57r,1 der toufe . her sprach zuo in . “ir nâteren geslehte . wer hât
 57r,2 iuch gezeiget zuo vliehenne von dem zuokünftigen zorne .
 57r,3 dâr umbe machet wirdige vruht der pênitenzien .
 57r,4 unde wollet niht sprechen in iuch . wir haben
 57r,5 einen vater Abraham . wan ich sage iuch . daz got
 57r,6 mehtic ist von disen steinen erwecken di süne Abrahames .
 57r,7 unde iezunt ist di ackest gesetzt zuo der wurzelen
 57r,8 der boume . dâr umbe ein iegelich boum der niht guote
 57r,9 vruht machet . der wirdet ûz gehouwen . unde gesant
 57r,10 in daz viur . sicherlichen ich toufe iuch in wazzere .
 57r,11 durch pênitenzie . der aber nâch mir künftic ist .
 57r,12 der ist sterker wen ich . des geschuohede ich niht bin
 57r,13 wirdic zuo tragenne . her sal iuch toufen in dem heiligen

57r,14 geiste unde in viure . des wintvanc ist in sîner hant .
 57r,15 unde her sal durchreinigen sîne hofstat . unde her sal samenen
 57r,16 sînen weize in sîne schiune . aber di spruwe sal
 57r,17 her verbürnen in eineme unleschlîchen viure .” dô quam
 57r,18 Jêsus von Galilea in den Jordân zuo Johannem ûf daz her getoufet
 57r,19 würde von ime . unde Johannes werte iz ime sprechente .
 57r,20 “ich sal von dir getoufet werden . unde dû kumest
 57r,21 zuo mir” unde Jêsus antwerte unde sprach zuo ime .
 57r,22 “gestate nû . wan alsô zimet uns zuo ervûllenne
 57r,23 alle gerehticheit .” dô liez her in . unde dô Jêsus getoufet
 57r,24 wart . zuohant gienc her ûf von dem wazzere . unde sehet
 57r,25 di himele sint über ime ûf getân . unde her sach den
 57r,26 geist gotes nider varente alse eine tûbe . unde komente

 57v,1 ûf in . unde sehet eine stimme von dem himele .
 57v,2 sprechente . “dirre ist mîn lieber sun . in dem ich mir habe behaget”
 57v,3 // capitulum . dô ist Jêsus gevuort
 57v,4 in di wüstenunge . von dem geiste . ûf daz her bekoret
 57v,5 würde von dem tiuvel . unde dô her gevastete
 57v,6 vierzic tage . unde vierzic nahte . dâr nâch hungerte
 57v,7 in . unde dô gienc zuo der bekorære . unde sprach zuo ime . “bis dû
 57v,8 gotes sun sô sprich daz dise steine brôt werden .”
 57v,9 unde her antwerte unde sprach . “iz ist geschriben . niht aleine
 57v,10 in dem brôte lebet der mennische . sundern in allem worte
 57v,11 daz dâ vüre gêt von dem munde gotes .” dô nam in
 57v,12 ûf der tiuvel in di heilige stat . unde sazte in ûf di virstlouben
 57v,13 des tÊmpels . unde sprach zuo ime . “bis dû gotes
 57v,14 sun sô lâz dich zuo rügge nider . wan iz ist geschriben .
 57v,15 daz sînen engelen hât her geboten von dir . daz si
 57v,16 dich in den henden tragen . daz dû lîhte iht stôzest
 57v,17 dînen vuoz an einen stein .” unde Jêsus sprach zuo ime anderweit .
 57v,18 “iz ist geschriben . dû salt niht bekoren dînen
 57v,19 hêrren got .” unde anderweit nam in ûf der tiuvel ûf einen
 57v,20 gar hôhen berc . unde wîsete ime alle rîche der werlte .
 57v,21 unde ire êre . unde sprach zuo ime . “dise gebe ich dir alle .
 57v,22 ob dû nider vallente ûf di erden . unde mich ane betest .”
 57v,23 dô sprach zuo ime Jêsus . “ganc satanâs . wan iz
 57v,24 ist geschriben . dînen hêrren got salt dû ane beten . unde
 57v,25 ime aleine dienen .” unde dô liez in der tiuvel . unde
 57v,26 sehet di engele giengen zuo . unde dieneten ime // aber

 58r,1 dô Jêsus hôrte . daz Johannes hine gegeben was . dô
 58r,2 entweich her in Galileam . unde liez di stat Nazarêt
 58r,3 her quam unde wonete in dem merischen Kapharnaum .
 58r,4 unde in den enden Zabulon unde Neptalim . ûf daz ervûllet
 58r,5 würde daz gesprochen ist durch Isaiam den
 58r,6 prophêten . ertrîche Zabulon . unde ertrîche Neptalim
 58r,7 ein wec des meres . über den Jordân Galileae der

58r,8 heidene . unde daz volc daz dâ wanderte in den vinsternissen .
 58r,9 daz sach ein grôz licht . unde den sitzenten
 58r,10 in dem künincriche des schatewen des tôdes . ein
 58r,11 lieht ist in ûf gegangen . unde dâr nâch begonde
 58r,12 Jêsus zuo predigenne . unde sprechente . “tuot pênitenzie
 58r,13 wan iz nâhet daz rîche der himele .” // unte dô her wanderte
 58r,14 bî dem mere Galileae . dô sach her zwêne bruodere .
 58r,15 Simonen der dâ heizet Petrus . unde Andream
 58r,16 sînen bruoder . unde si liezen netze in daz mer . wan si wâren
 58r,17 vischære . unde her sprach zuo in . “kumet nâch mir .
 58r,18 unde ich mache iuch werden vischære der liute .” unde jene liezen
 58r,19 zuohant di netze . unde schiffë . unde si sint ime gevolget .
 58r,20 her gienc vürebaz von dannen . unde her sach
 58r,21 zwêne andere bruodere . Jacobum Zebedeî . unde Johannem sînen
 58r,22 bruoder . in dem schiffë mit Zebedeô irem vatere . unde bezzereute
 58r,23 ire netze . unde her rief si . unde si liezen zuohant di
 58r,24 netze . unde den vater . si sint ime gevolget . unde
 58r,25 Jêsus umbegienc alle Galileam . lêrente in iren sinagôgen .
 58r,26 unde predigente daz evangelium . des rîches . unde machete

58v,1 gesunt alle siuche . unde alle krancheit in dem volke .
 58v,2 unde sîn wân gienc ûz in alle Siriam . unde si truogen ime
 58v,3 engegen alle di sich übele gehabeten mit maniger
 58v,4 hande siuchen . unde quetzunge begriffen wâren . unde
 58v,5 di di tiuele hatten . unde mænisch wâren . unde di gihtigen .
 58v,6 unde her machete si gesunt . unde ime sint gevolget
 58v,7 vile schare . von Galilea . unde der zên stete . unde Jerusalem .
 58v,8 unde von Judêa . unde von über Jordân . capitulum . unde
 58v,9 Jêsus sach di schare . her steic ûf einen berc . unde dô
 58v,10 her gesaz . dô giengen zuo ime sîne jungern . unde her tet
 58v,11 ûf sînen munt . unde lêrte si sprechente . sælic sint
 58v,12 di armen des geistes . wan daz himelrîche ist ir .
 58v,13 sælic sint di senftmüetigen . wan si sullen besitzen
 58v,14 di erden . sælic sint di dâ weinen . wan si sullen getrôst
 58v,15 werden . sælic sint di dâ hungert unde dürstet
 58v,16 nâch der gerehticheit . wan si sullen gesetet werden .
 58v,17 sælic sint di barmherzigen . wan si sullen barmherzicheit
 58v,18 ervolgen . sælic sint di reines herzen .
 58v,19 wan si sullen got sehen . sælic sint di vridesamen .
 58v,20 wan si sullen gotes süne geheizt werden .
 58v,21 sælic sint di durchæhtunge liden durch di gerehticheit .
 58v,22 wan daz himelrîche ist ir . sælic
 58v,23 sît ir wanne iuch di liute übele sprechen . unde iuch werden
 58v,24 hazzen . unde sprechen allez übele wider iuch liegende
 58v,25 durch mich . vröuwet iuch unde erhebet iuch . wan
 58v,26 iuwer lôn ist grôz in den himelen . // wan alsô haben

59r,1 si durchæhtet di prophêten . di vore iuch wâren .

59r,2 ir sît ein salz der erden . ob daz salz verdirbet .
 59r,3 wâr inne wirdet iz gesalzen . iz touc vûrebaz zuo nihte .
 59r,4 niur daz iz ûz geworfen werde . unde zuotreten von
 59r,5 den liuten . ir sît ein lieht der werlte . ein stat ûf einen
 59r,6 berc gesatz . di mac niht verborgen werden .
 59r,7 noch niemant entzündet eine lucerne . unde setzet
 59r,8 si under eine mâze . aber ûf einen liuhtær . ûf daz si
 59r,9 liuhte alle den . di in dem hûse sint . alsô sal liuhten
 59r,10 iuwer lieht vore den liuten . daz si sehen iuwere guoten
 59r,11 werc . unde êren iuweren vater . der in den himelen ist
 59r,12 // ir sulet niht wænen . daz ich komen sî di êwe zuo stoerenne .
 59r,13 oder di prophêten . ich en bin niht kumen si zuo stoerenne .
 59r,14 sundern si zuo ervûllenne . gewislîchen vûre wâr
 59r,15 sage ich iuch . biz daz himel unde erde vergêt . aber
 59r,16 ein buochstabe . oder ein kritz en sal niht vergên von
 59r,17 der êwe . biz alle dinc geschên . dâr umbe swer dâ brichet
 59r,18 einez von disen minnesten geboten . unde lêret di
 59r,19 liute alsô . der minneste wirdet her geheizen in dem rîche der
 59r,20 himele . der aber wirket unde lêret . dirre wirdet grôz
 59r,21 geheizen in dem rîche der himele // wan ich sage iuch .
 59r,22 daz . niur iuwer gerehticheit werde grôzer unde
 59r,23 mërre . danne der schribære unde der phariseî . sô gêt ir niht in
 59r,24 daz rîche der himele . habet ir gehôrt daz gesaget
 59r,25 ist den alten . dû salt niht toeten . swer aber toetet .
 59r,26 der ist schuldic des gerihtes . aber ich sage iuch .

59v,1 wan ein iegelîcher . der dâ erzûrnet sînen bruoder . der wirdet
 59v,2 schuldic des gerihtes . swer aber sprichet zuo sîneme bruodere .
 59v,3 “racha .” der wirdet schuldic des gespræches . swer aber
 59v,4 sprichet “thore .” der wirdet schuldic des hellischen viures .
 59v,5 dâr umbe swanne dû opfers dîne gâbe zuo dem altære .
 59v,6 unde dâ wirdes wider gedenken . daz dîn bruoder hât
 59v,7 iht wider dich . lâz dâ dîne gâbe vore dem altære .
 59v,8 unde gê versüene dich von êrst mit dînem bruodere . unde
 59v,9 denne kom . unde opfere dîne gâbe . // bis mite
 59v,10 hellente dîneme widersachen balde . wanne dû bist mit
 59v,11 ime an dem wege . daz dich lîhte iht gebe dîn
 59v,12 widersache dem rihtære . unde der rihtære dich gebe dem
 59v,13 dienære . unde dû in den karkære werdes gesant . vûre wâr
 59v,14 sage ich dir . dû gêt von dannen niht ûz . biz daz
 59v,15 dû allez wider gibest . biz an den lezzesten vierdelinc .
 59v,16 habet ir gehôrt . wan gesprochen ist den alten .
 59v,17 dû salt niht unkiusch sîn . aber ich sage iuch . wan
 59v,18 ein iegelîcher der ein wîp sihet ir zuo begerende . der hât
 59v,19 iezunt unkiuschheit getân mit ir in sîneme herzen .
 59v,20 unde ob dich dîn rehte ouge ergert . brich iz ûz .
 59v,21 unde wirf iz von dir . wan iz ist dir bezzer . daz verderbe
 59v,22 einez dîner gelide . wan daz dîn lîcham

- 59v,23 ganz gê in daz hellische viur . unde ob dich dîn rehte
 59v,24 hant ergert . snît si abe . unde wirf si von dir . wan
 59v,25 iz ist dir bezzer . daz verderbe einez dîner gelide .
 59v,26 denne dîn lîcham ganz werde gesant in daz hellische
- 60r,1 viur . gesprochen ist aber . swer sîne hûsvrouwe
 60r,2 læzet . der gebe ir ein buochelîn der verkebesunge .
 60r,3 aber ich sage iuch . wan ein iegelîcher der sîne hûsvrouwe
 60r,4 læzet âne ûz genomene sache . der machet si unkiuschente .
 60r,5 unde swer di gelâzenen nimet . der brichet di ê .
 60r,6 anderweit . habet ir gehôrt wan gesprochen
 60r,7 ist den alten . dû salt niht sweren . aber dû salt gelten
 60r,8 dîneme hêrren dîne eide . aber ich sage iuch . alzuomâle
 60r,9 niht zuo sweren . noch bî dem himele . wan her ist
 60r,10 ein trôn gotes . noch bî der erden . wan si ist ein schemel
 60r,11 sîner vuoze . noch bî Jerusalêm . wan si ist ein
 60r,12 stat des grôzen kûninges . noch bî dem houbete
 60r,13 salt dû sweren . wan dû maht niht einen loc wîz
 60r,14 oder swarz machen . wan iuwer wort sullen sîn . ist .
 60r,15 ist . nein . nein . waz aber dâr über ist . daz ist von übele .
 60r,16 habet ir gehôrt wan gesprochen ist . ouge umbe
 60r,17 ouge . unde zane umbe zane . aber ich sage iuch niht
 60r,18 zuo widerstênne dem übele . unde ob dich iemant
 60r,19 slæt an dîn rehte wange . biut ime ouch daz andere .
 60r,20 unde deme der mit dir wil kriegen an dem gerihte .
 60r,21 unde dînen roc nemen . lâz ime ouch den mandel ..
 60r,22 unde swer dich twinget tûsent schrite . gê mit ime
 60r,23 andere zwei . unde swer von dir bitet . dem gip . unde
 60r,24 swer von dir borgen wil . niht kêre dich abe habet
 60r,25 ir gehôrt . wan gesprochen ist . habe liep dînen
 60r,26 nâhesten . unde hazze dîne vîande . aber ich sage iuch .
- 60v,1 habet liep iuwere vîande . unde tuot den wole di iuch gehazzet
 60v,2 haben . bitet vüre di . di iuch sint hazzente .
 60v,3 unde durchæhtente . ûf daz ir sît süne iuwers vaters
 60v,4 der in den himelen ist . der sîne sunnen læzet schînen .
 60v,5 über di guoten unde über di boesen . unde regenet über di
 60v,6 gerechten unde ungerechten . wanne aber ir die liep
 60v,7 habet di iuch liep haben . waz lônnes sulet ir haben
 60v,8 wie tuon des niht di publicanî unde ob ir iuwere
 60v,9 bruodere aleine grüezet . waz tuot ir dâr über wie
 60v,10 tuon des niht ouch di heidene . dâr umbe sulet ir volkomen
 60v,11 sîn . also ouch iuwer himelische vater volkomen
 60v,12 ist . hûetet iuch daz ir iuwer gerehticheit iht wirket
 60v,13 vore den liuten . ûf daz ir gesehen werdet von in . anders
 60v,14 en sulet ir niht lônnes haben bî iuwerem vatere der in den
 60v,15 himelen ist . dâr umbe wanne dû gibes dîne almuosen .
 60v,16 sô salt dû niht mit busûnen vore dir singen . also di gelîchsenære

60v,17 tuon in den sinagôgen . unde an den strâzen . ûf daz
 60v,18 si geêret werden von den liuten . vüre wâr sage ich iuch .
 60v,19 si haben genomen iren lôn . aber wanne dû gibest dîne
 60v,20 almuosen . dîne linke hant en sal niht wizen .
 60v,21 waz dîn rechte hant tuot . ûf daz dîn almuosen sîn
 60v,22 in der verborgenheit . unde dîn vater der iz in der verborgenheit
 60v,23 sihet . der gibet dir iz wider . // capitulum .
 60v,24 unde wanne ir betet . sô sulet ir niht werden trûric
 60v,25 also di gelîchsenære . di dâ liep haben in den sinagôgen
 60v,26 unde in den eggen der gazzen stên zuo betenne . ûf daz

61r,1 si gesehen werden von den liuten . vüre wâr sage ich
 61r,2 iuch . si haben genomen iren lôn . aber wanne dû betest .
 61r,3 sô gê in dîn ruowekemerlîn . unde mit beslozzener
 61r,4 türe bite dînen vater in der verborgenheit . unde
 61r,5 dîn vater der iz sihet in der verborgenheit . gibet dir wider .
 61r,6 aber betente sulet ir niht vile reden . also di
 61r,7 juden unde heidene tuon . wan si wænen daz si in ireme
 61r,8 vileredene erhôrt werden . dâr umbe sulet ir in niht
 61r,9 gelîch werden . wan iuwer vater weiz wes iuch nôt
 61r,10 ist . êr wan ir in bitet . dâr umbe sulet ir alsô beten .
 61r,11 “vater unser . der dâ bist in den himelen . geheiliget
 61r,12 werde dîn name . zuo kome dîn rîche . dîn wille
 61r,13 der werde . also in dem himele . unde in der erden .
 61r,14 unser tagelîche brôt gip uns hiute . unde vergip
 61r,15 uns unser schulde . also ouch wir vergeben unseren
 61r,16 schuldigæren . unde en leite uns niht in bekorunge .
 61r,17 sundern loese uns von übele âmên ..”
 61r,18 unde ob ir vergebet den liuten ire sünde . sô vergibet
 61r,19 iuch iuwer himelische vater ouch iuwere missetât .
 61r,20 aber vergebet ir den liuten niht . noch ouch
 61r,21 iuwer vater vergibet iuch niht iuwere sünde .
 61r,22 aber wanne ir vastet . sô sulet ir niht trûric
 61r,23 werden also di gelîchsenære . wan si verstellen ire antlitze .
 61r,24 ûf daz si den liuten schînen vastente . vüre wâr
 61r,25 sage ich iuch . wan si haben genomen iren lôn .
 61r,26 aber wanne dû vastest . sô salbe dîn houbet . unde

61v,1 wasch dîn antlitze . ûf daz dû niht gesehen
 61v,2 werdest den liuten vastente . aber dîneme vater der in
 61v,3 der verborgenheit ist . unde dîn vater der iz in der verborgenheit
 61v,4 sihet . der gibet dir wider . ir en sulet iuch niht
 61v,5 schätzen schetze ûf der erden . dâ si rost unde milwen
 61v,6 verezzten . unde dâ si di diebe ûz graben unde
 61v,7 stelen . aber schätzet iuch schetze in dem himele .
 61v,8 dâ si weder rost noch milwen verezzten . unde dâ
 61v,9 di diebe niht ûz graben noch stelen . wan wâ
 61v,10 dîn schatz ist . dâ wirdet ouch dîn herze // unde ein

- 61v,11 lucerne dînes lîbes ist dîn ouge . wirdet dîn ouge
 61v,12 invaltic . sô wirdet alle dîn lîcham ganz liehtvar .
 61v,13 wirdet aber dîn ouge ein schalc . sô wirdet
 61v,14 dîn lîcham ganz vinstern . unde dâr umbe ob daz
 61v,15 licht daz in dir ist di vinsternisse sint . wie grôz
 61v,16 werden danne di vinsternisse selber . wan niemand
 61v,17 mac zwein hêrren dienen . wan entweder
 61v,18 her hazzet einen . unde hât liep den anderen . oder lîdet
 61v,19 einen . unde versmæhet den andern . ir müget
 61v,20 gote niht gedienen . unde dem gireguote . dâr umbe
 61v,21 sage ich iuch . daz ir niht sorcvaltich sît iuwerer
 61v,22 sêle waz ir ezzet . noch iuwerme lîchame . wâ mite
 61v,23 ir an getân werdet . wie en ist iuwer sêle niht
 61v,24 grôzer wan daz ezzen . unde der lîcham niht grôzer
 61v,25 wan daz kleit . sehet an daz gevügele des
 61v,26 himeles . wan si sæjen niht . noch mæjen .
- 62r,1 noch samenen in di schiune . unde iuwer himelische
 62r,2 vater spîset si . wie sît ir niht grôzer wan sie .
 62r,3 aber welicher iuwer mac trahtente zuo werfen zuo
 62r,4 sîner lenge eine elle . unde waz sît ir danne sorcvaltich
 62r,5 von dem kleide sehet an di liljen des ackeres . wie
 62r,6 si wahsen . unde si en arbeiten niht noch spinnen .
 62r,7 aber ich sage iuch . daz noch Salomon in alle sîner êre
 62r,8 ist niht gekleidet . also ir ein von disen . unde ob
 62r,9 daz hōuwe des ackers daz hiute ist . unde morgene in
 62r,10 den bachoven . wirdet geworfen . got alsô kleidet .
 62r,11 wie vile mêt iuch ir kleines gelouben . dâr umbe
 62r,12 sulet ir niht sorcvaltich sîn . sprechente . “waz sullen
 62r,13 wir ezzen . oder waz sullen wir trinken oder wâ
 62r,14 mite werden wir gekleidet” wan diz allez gewinnen
 62r,15 in di heidene . aber iuwer vater weiz . daz ir diser
 62r,16 dinge aller bedurfet . dâr umbe suochet des êrsten
 62r,17 daz rîche gotes unde sîne gerehticheit . unde
 62r,18 alle dise dinge werden iuch zuo geworfen // dâr
 62r,19 umbe sulet ir niht sorcvaltich sîn ûf den morgenlîchen
 62r,20 tac . wan der morgenlîche tac . wirdet sorcvaltich
 62r,21 ime selber . wan dem tage genüget an sîner bōsheit .
 62r,22 capitulum . ir sulet niht urteilen . unde sô werdet ir
 62r,23 niht geurteilt . wan in welichen urteile ir urteilt .
 62r,24 in dem werdet ir geurteilt . unde in welicher
 62r,25 mâtze ir werdet mezzen . in der wirdet iuch wider gemezzen .
 62r,26 unde waz sihes dû eine aine in dînes
- 62v,1 bruoderes ouge . unde einen balken en sihes dû in dîneme ougen
 62v,2 niht . oder wie spriches dû zuo dîneme bruodere . “gestate
 62v,3 mir daz ich ûz werfe di aine von dîneme ougen .” unde
 62v,4 sich ein balke ist in dîneme ougen . dû gelîchsenære wirf

62v,5 des êrsten ûz den balken von dîneme ougen . unde denne
 62v,6 salt dû sehen ûz zuo werfenne di aine von dînes bruoderes
 62v,7 ougen . ir sulet niht geben daz heilige den
 62v,8 hunden . noch werfet iuwere margarêten vûre di swîn .
 62v,9 daz si sie lîhte iht zuotreten mit iren vuozen . unde
 62v,10 umbe gekêret zuorîzen iuch . bitet . unde iuch wirdet
 62v,11 gegeben . suochet . unde ir vindet . klopfet . unde iuch wirdet
 62v,12 ûf getân . wan ein iegelîcher der dâ bitet . der entvæhet . unde
 62v,13 swer dâ suochet . der vindet . unde dem klopfenten wirdet
 62v,14 ûf getân . oder wer ist under iuch der mennische . den sîn
 62v,15 sun umbe brôt bæte . wie gibet her ime einen stein
 62v,16 unde ob her einen visch bitet . wie reichet her ime eine
 62v,17 slangen dâr umbe ob ir sô ir boese sît . kunnet guote
 62v,18 gâben geben iuweren sûnen . wie vile mêr iuwer vater
 62v,19 der in den himelen ist gibet guot den di in biten
 62v,20 // dâr umbe allez daz ir wollet . daz iuch di liute tuon .
 62v,21 daz tuot ir in ouch . wan diz ist di êwe . unde di prophêten .
 62v,22 gêt in durch di enge pforte . wan di pforte ist
 62v,23 wît . unde der wec ist breit . der dâ leitet zuo der verlust .
 62v,24 unde vile sint di durch in en gên . wie angestsam ist
 62v,25 di pforte . unde enge der wec . der dâ leitet zuo dem lebene .
 62v,26 unde wênic sint ir di in vinden . hûetet iuch

63r,1 vore den valschen prophêten . di zuo iuch komen in schæfînen
 63r,2 kleideren . aber innewentic sint si zückente
 63r,3 wolve . bî iren vrûhten sulet ir si bekennen . wie
 63r,4 lesen si wînber von den dornen . oder vîgen von den
 63r,5 distelen aber alse ein iegelich guot boum machet guote
 63r,6 vrûhte . aber ein boese boum machet boese vrûhte .
 63r,7 wan ein guot boum . mac niht boese vrûhte
 63r,8 gemachen . noch ein boese boum guote vrûhte gemachen .
 63r,9 ein iegelich boum der niht guote vrûhte
 63r,10 machet . der wirdet ûz gehouwen . unde in daz viur geworfen .
 63r,11 wan ûz iren vrûhten sulet ir si bekennen . wan
 63r,12 niht ein iegelîcher der zuo mir sprichet . “hêrre hêrre .” gêt
 63r,13 in daz rîche der himele . aber swer dâ tuot den willen
 63r,14 mînes vaters der in den himelen ist . der gêt in in daz rîche
 63r,15 der himele . manige sprechen zuo mir in jenen
 63r,16 tagen . “hêrre hêrre . wie wîssageten wir niht in dîneme
 63r,17 namen . unde wurfen ûz di tiuuele in dîneme namen
 63r,18 unde haben vile tugende getân in dîneme namen”
 63r,19 denne sage ich in . “wan ich habe iuch nie bekant .
 63r,20 wîchet von mir . hin ir . di dâ wirkt di ungerechticheit .”
 63r,21 dâr umbe ein iegelîcher der dise mîne wort
 63r,22 hoeret . unde si wirkt . der wirdet gelîch einem wîsen manne .
 63r,23 der sîn hûs gebûwet hât ûf einen stein . unde di
 63r,24 regene quâmen nider . unde quâmen vlüete . unde wæjeten
 63r,25 winde . unde stürmeten an daz hûs . unde iz viel niht .

- 63r,26 wan iz was gegruntvestenet ûf einen stein .
- 139v,1 unde daz kint
 139v,2 wuohs unde wart gesterket vol wîsheit unde gotes
 139v,3 genâde was in ime . aber sîne geberære giengen alle
 139v,4 jâr in Jerusalêm an dem hôchzîttage der ôsteren . unde
 139v,5 dô Jêsus was worden zwelif jâr alt . dô gienc her
 139v,6 ûf mit in zuo Jerusalêm . nâch der gewoneheit des hôchzîttages .
 139v,7 unde dô si volbrâhten di tage . unde dô si wider
 139v,8 kârten . dô beleip daz kint Jêsus in Jerusalêm . unde sîne geberære
 139v,9 wisten iz niht . aber si wânten daz her wære in der
 139v,10 nâch volgenten schare . unde si quâmen den wec eines
 139v,11 tages . unde suochten in under den mâgen . unde den
 139v,12 bekanten . unde si vunten sîn niht . unde si giengen wider
 139v,13 in Jerusalêm . unde suochten in wider . unde iz ist geschên nâch
 139v,14 drîn tagen . dô vunten si in in dem tÊmpele sitzente under
 139v,15 den lêraren hoerente sie unde vregente si . unde si
 139v,16 erschrâken alle di in hôrten über sîne kluocheit .
 139v,17 unde sîne antwûrte . unde si wunderten sich sehente . unde
 139v,18 sîn muoter sprach zuo ime . “sun wie hâs dû uns alsô getân
 139v,19 sich dîn vater unde ich haben dich gesuoht smerzente .”
 139v,20 unde her sprach zuo in . “waz ist daz . daz ir mich
 139v,21 gesuoht habet en wizzet ir niht . daz ich muoz
 139v,22 sîn in den dingen di mînes vaters sint .” unde si verstuonten
 139v,23 des wortes niht . daz her zuo in gesprochen
 139v,24 hatte . unde her gienc nider mit in . unde quam zuo Nazarêt .
 139v,25 unde was in undertân . unde sîn muoter behielt
 139v,26 alle dise wort zuosamene tragente in ireme herzen .
- 140r,1 unde Jêsus nam zuo an wîsheit unde an altere unde an genâden
 140r,2 bî gote unde bî den liuten . // capitulum .
 140r,3 aber in dem vûnvzênden jâre des keisertuomes
 140r,4 Tiberiû des keisers stuont vore Pontius Pilatus
 140r,5 Judêam . aber Herôdes was ein vürste des vierden
 140r,6 teiles Galileae . unde sîn bruoder Philippus was ein
 140r,7 vürste des vierden teiles Itureê des künincriches
 140r,8 unde Trakonitis . unde Lysanias was ein vürste des
 140r,9 vierden teiles Abilene . under den vürsten der priester
 140r,10 Anna unde Kaipha . ist geschên daz wort des hêrren
 140r,11 über Johannem Zachariê sun in der wüstenunge . unde her
 140r,12 quam in allez künincriche des Jordânes predigente di
 140r,13 toufe der riuwe in vergebunge der sünde . also geschriben
 140r,14 ist in dem buoche der rede Isaiê des prophêten . “di stimme
 140r,15 des ruofenten in der wüstenunge . bereitet den wec des
 140r,16 hêrren . unde machet reht sîne stîge . unde ein iegelich
 140r,17 tal sal gevüllet werden . unde ein iegelich berc unde hübel
 140r,18 sal genidert werden . unde di snoeden werden in gerihte .
 140r,19 unde di scharpfen in slehte wege . unde allez vleisch

- 140r,20 sal sehen daz heil gotes" // dâr umbe sprach Johannes
 140r,21 zuo den scharen di dâ ûz giengen ûf daz si getoufet
 140r,22 wurden von ime . "ir nâteren geburt . wer hât iuch
 140r,23 gewîset zuo vlihenne vore dem künftigen zorne . unde
 140r,24 dâr umbe machet wirdige vruht der riuwe . unde beginnet
 140r,25 niht zuo sprechenne . wir haben einen vater Abraham .
 140r,26 wan ich sage iuch . daz got vermac von disen
- 140v,1 steinen erwecken di süne Abrahames . wan iezunt
 140v,2 ist di ackest gesetzet zuo der wurzelen der boume . unde
 140v,3 dâr umbe ein iegelich boum der niht guote vruht machet .
 140v,4 der wirdet ûz gehouwen . unde in daz viur geworfen ."
 140v,5 unde in vrâgeten di schare unde sprâchen . "waz tuon wir
 140v,6 danne" unde her antworte unde sprach zuo in . "swer zwêne
 140v,7 rocke hât . der gebe einen deme . der niht en hât . unde
 140v,8 swer spîse hât . der tuo des gelîche ." aber iz quâmen ouch
 140v,9 di publikanî . daz si getoufet wurden . unde sprâchen
 140v,10 zuo ime . "meister waz tuon wir" unde her sprach zuo in . "nihtesniht
 140v,11 vûrebaz . wan swaz iuch gesetzet ist . daz
 140v,12 tuot ." unde in vrâgeten ouch di rittere . unde sprâchen . "waz
 140v,13 sullen ouch wir tuon" unde her sprach zuo in . "slahet niemant .
 140v,14 noch en tuot schaden . unde lâzet iuch genüegen an
 140v,15 iuwerme solde ." unde daz volc wântten unde gedâhten
 140v,16 alle in iren herzen von Johanne . daz her lîhte iht Christus wære .
 140v,17 aber Johannes antworte . unde sprach zuo in allen . "sicherlîchen
 140v,18 ich toufe iuch in dem wazzere . aber ein starker komet
 140v,19 wan ich . des ich niht wirdic bin zuo loesenne
 140v,20 den rîmen sîner schuohe . her sal iuch toufen in dem heiligen
 140v,21 geiste . unde in viure . des wintvanc ist in sîner
 140v,22 hant . unde her sal reinigen sîne hofestat . unde sal samenen
 140v,23 den weize in sîne schiunen . aber di spriuwe sal her
 140v,24 verbûrnen in eineme unleschlîchen viure ." sicherlîchen
 140v,25 ouch vile andere dinc underwîsete her dem volke .
 140v,26 êwangelizierende daz rîche gotes . // aber Herôdes
 140v,27 des vierden teiles ein vürste . dô her bestrâfet wart
- 141r,1 von ime . umbe Herodiaden sînes bruoderes hûsvrouwen .
 141r,2 unde von allen übelen di Herôdes getân hatte . unde
 141r,3 boben alle dinc warf her diz zuo . unde beslôz Johannem
 141r,4 in den karkære . unde geschên ist . dô allez volc getoufet
 141r,5 wart . unde dô wart ouch Jêsus getoufet . unde her betete . unde
 141r,6 der himel ist ûf getân . unde der heilige geist quam nider
 141r,7 in eineme lîplîchen bilede alse eine tûbe . ûf in . unde ein
 141r,8 stimme ist . von dem himele geschên . "dû bist mîn lieber
 141r,9 sun . in dir behage ich mir ." unde hêrr Jêsus was beginnente
 141r,10 alse drîzic jâr . daz man in wânte sîn Josephes
 141r,11 sun der dâ was Heli . der was Mathan . der was
 141r,12 Levi . der was Melchi . der was Janne . der was Josepch

- 141r,13 der was Mathathiae . der was Amos . der was Naum .
 141r,14 der was Esli . der was Nagge . der was Maatch . der was
 141r,15 Machachie . der was Semei . der was Josepch . der was
 141r,16 Juda . der was Johanna . der was Resa . der was Zorobabel .
 141r,17 der was Salathiel . der was Meri . der was
 141r,18 Melchi . der was Addi . der was Kosan . der was
 141r,19 Elmodan . der was Her . der was Jêsu . der was Elizer .
 141r,20 der was Jorum . der was Mathar . der was Levi .
 141r,21 der was Simeon . der was Juda . der was Josepch . der
 141r,22 was Jona . der was Eljachem . der was Melcha .
 141r,23 der was Menna . der was Mathathia . der was Nathan .
 141r,24 der was Dâvît . der was Jesse . der was Obetch .
 141r,25 der was Booz . der was Salmon . der was Naason . der
 141r,26 was Aminadap . der was Aram . der was Esrom .
 141r,27 der was Phares . der was Jude . der was Jakop . der

 141v,1 was Isaac . der was Abrahê . der was Thare . der was
 141v,2 Nachor . der was Seruch . der was Ragan . der was Phalech .
 141v,3 der was Ēber . der was Isale . der was Kaman .
 141v,4 der was Arphaxat . der was Sem . der was Nôê . der
 141v,5 was Lamech . der was Mathusalem . der was Enoch .
 141v,6 der was Jaretech . der was Malalehel . der was
 141v,7 Kaman . der was Enoz . der was Setch . der was Adâm . der dâ was gotes .
 141v,8 capitulum . aber Jêsus vol
 141v,9 des heiligen geistes . gienc nider von dem Jordâne .
 141v,10 unde wart getriben von dem geiste in di wüestenunge .
 141v,11 vierzic tage . unde wart bekoret von satanâ .
 141v,12 unde en az nihtesniht in den tagen . unde dô her
 141v,13 si volbrâhte . dô hungerte in . unde der tiuvel sprach zuo
 141v,14 ime . “ob dû gotes sun bist . sô sprich disen steinen
 141v,15 daz si brôt werden .” unde Jêsus antwerte ime . “ez ist geschriben”
 141v,16 sprach her . wan niht aleine in dem brôte lebet
 141v,17 der mennische . sundern in alle dem worte gotes . unde
 141v,18 in vuorte der tiuvel ûf den hôhesten berc . unde zeigete
 141v,19 ime alle rîche des umberinges der erden . in einer
 141v,20 ûre der zît . unde sprach zuo ime . “ich wile dir geben disen
 141v,21 gewalt allesament unde ire êre . wan si sint
 141v,22 mir gegeben . unde weme ich wile deme gibe ich
 141v,23 si . unde dâr umbe ob dû ane betes vore mir . sô werden
 141v,24 si alle dîn .” unde Jêsus antwerte unde sprach zuo ime . “iz
 141v,25 ist geschriben . dû salt dînen hêrren got ane beten .
 141v,26 unde ime aleine dienen .” unde her vuorte in in Jerusalem

 142r,1 unde stalte in ûf den virst des tĒmpeles . unde sprach
 142r,2 zuo ime . “ob dû gotes sun bist . sô lâz dich von hinnen
 142r,3 zuo rügge nider . wan iz ist geschriben . daz her sînen
 142r,4 engelen geboten hât von dir . daz si dich behalten .
 142r,5 unde dâr umbe in iren henden heben si dich . daz dû vile

142r,6 lîhte niht stôzest dînen vuoz an den stein .” unde Jêsus
 142r,7 antwerte unde sprach zuo ime . “gesprochen ist . dû salt
 142r,8 niht bekoren dînen hêrren got .” unde dô her volbrâhte
 142r,9 alle bekorunge . dô entweich der tiuvel von ime biz
 142r,10 zuo einer zît . unde Jêsus ist wider gegangen in der
 142r,11 kraft des geistes in Galileam . unde der liumunt gienc ûz
 142r,12 durch daz künincriche allesament von ime . unde
 142r,13 her lârte si in iren sinagôgen . unde wart gegrüezet
 142r,14 von in allen . unde her quam zuo Nazarêt dâr her gesouget
 142r,15 was . unde her gienc in nâch sîner gewoneheit
 142r,16 an dem sunneâbenttage in di sinagôgen . unde her stuont
 142r,17 ûf zuo lesenne . unde ime wart gegeben daz buoch
 142r,18 Isaiê des prophêten . unde dô her daz buoch umbe gewande .
 142r,19 dô vant her di stat dâr geschriben stuont . “der geist des
 142r,20 hêrren ist ûf mir . durch daz hât her mich gesalbet .
 142r,21 zuo êwangelizierende . unde den armen hât her mich
 142r,22 gesant . unde gesunt zuo machenne di zuoribenes herzen
 142r,23 sint . unde zuo predigenne den gefangen vergebunge .
 142r,24 unde den blinden daz gesihte . unde zuo lâzenne die
 142r,25 zuobrochen in ledicunge . unde zuo predigenne daz genæme
 142r,26 jâr des hêrren . unde den tac der widergâbe .”

142v,1 unde dô her daz buoch zuo gevalten hatte . dô gap her iz
 142v,2 wider dem dienære . unde saz . unde aller der ougen di in der
 142v,3 sinagôgen wâren kârten in in . her begonde aber sprechen
 142v,4 zuo in . “wan hiute ist dise schrift ervüllet in
 142v,5 iuweren ôren .” unde si gâben ime alle geziugnisse .
 142v,6 unde wunderten sich in den worten der genâden . di dâ ûz giengen
 142v,7 von sînem munde . unde sprâchen . “wie ist dirre niht
 142v,8 Josephes sun” unde her sprach zuo in . “sicher jâ . ir sulet
 142v,9 zuo mir sprechen diz gelîchnisse . arzât mache dich
 142v,10 selber gesunt . wie grôze dinc haben wir gehôrt .
 142v,11 di dû getân hâst in Kapharnaum . tuo ouch hier
 142v,12 in dîneme vaterlande .” aber her sprach zuo in . “vüre wâr
 142v,13 sage ich iuch . daz kein prophête ist wert in sînes vateres
 142v,14 lande . unde in wârheit sage ich iuch . vile
 142v,15 witewen wâren in den tagen Helias in Israhel . dô der himel
 142v,16 beslozen was drî jâr unde sehs mânden . unde dô
 142v,17 grôz hunger worden was in allem ertrîche . unde
 142v,18 zuo keinere ist gesant Helias . niur in Sarepta Sidonie
 142v,19 zuo einem wîbe einer witewen . unde vile ûzsetziger
 142v,20 wâren in Israhel . under Heliseô dem prophêten . unde niemant
 142v,21 under in ist gereiniget . niur Naaman Sirus .”
 142v,22 unde si sint alle ervüllet mit zorne in der sinagôgen
 142v,23 di in hôrten . unde si stuonten ûf . unde vuorten in ûz der
 142v,24 stat . unde si vuorten in biz zuo dem übervalle des berges
 142v,25 dâ ire stat ûf gebûwet was . ûf daz si in nider
 142v,26 gestiezen . unde her gienc durch . durch ire mitte

- 143r,1 unde her gienc nider zuo Kapharnaum in di stat Galileae .
 143r,2 unde dô lârte her si an den sunnenâbenten . unde
 143r,3 si erschrâken in sîner lêre . wan sîne rede was
 143r,4 in der maht . unde in der sinagôgen was ein mennische
 143r,5 der hatte einen unreinen geist . unde her schrîete ûz mit
 143r,6 grôzer stimme . unde sprach . lâz abe . waz uns unde dir
 143r,7 Jêsu Nazarenære . unde bis dû komen uns zuo verderbenne .
 143r,8 ich weiz dich . wer dû bist . der heilige gotes . unde Jêsus
 143r,9 bestrâfete in unde sprach . “verstumme . unde var ûz von
 143r,10 ime .” unde dô in der tiuvel vûre in gewarf in daz mittel .
 143r,11 dô gienc her ûz von ime . unde her en schadete ime nihtesniht .
 143r,12 unde di erschreckunge ist worden . under in allen .
 143r,13 unde si redeten zuo einandere . unde sprâchen . “waz ist diz
 143r,14 wort . wan in gewalt . unde in tugenden gebiutet her den
 143r,15 unreinen geisten . unde si gên ûz .” unde der liumunt wart
 143r,16 vermeniget . von ime in alle stete . des künincriches
 143r,17 // aber Jêsus stuont ûf von der sinagôgen . her gienc in Simonis
 143r,18 hûs . unde Simonis swiger was bevangen mit
 143r,19 grôzen riten . unde si bâten in vûre si . unde si stuont zuohant
 143r,20 ûf . unde dienete in . aber dô di sunne nider geviel .
 143r,21 alle di dâ siechen hatten mit maniger hande
 143r,22 pînen . di vuorten si zuo ime . unde her legete iegelîchem
 143r,23 di hant ûf . her machete si gesunt . aber vile tiuvel
 143r,24 giengen ûz von manigen schrîente unde sprechente .
 143r,25 “wan dû bist gotes sun .” unde her bestrâfete si . unde

 143v,1 – gestatete in niht zuo sprechenne . wan si wisten
 143v,2 in sîn Christum . aber dô iz tac wart . dô gienc her ûz .
 143v,3 unde gienc in eine wüeste stat . unde di schare suochten
 143v,4 in wider . unde quâmen biz zuo ime . unde hielten in daz
 143v,5 her niht schiede von in . unde zuo den sprach her . “wan ich muoz
 143v,6 ouch anderen steten êwangelizieren daz rîche gotes .
 143v,7 wan dâr umbe bin ich gesant .” unde her was predigente
 143v,8 in den sinagôgen Galileae . // capitulum .
 143v,9 unde geschên ist dô di schare an in vielen ûf daz
 143v,10 si hôrten daz wort gotes . unde her stuont neben
 143v,11 dem sêe Genezareth . unde sach vile schif stênte . bî
 143v,12 dem sêe . wan di vischære wâren nider gestigen . unde
 143v,13 wuoschen di netze . aber her steic ûf in ein schif . daz
 143v,14 was Simonis . unde her bat in ein lützel wider von
 143v,15 der erden zuo vüerenne . unde her lârte di schare von dem
 143v,16 schiffe sitzente . unde dô her abe geliez zuo redenne .
 143v,17 dô sprach her zuo Simone . “var ûf in di hoehe . unde lâzet
 143v,18 iuwere netze zuo vâhenne .” unde Simon antwurte
 143v,19 ime unde sprach . “gebietære durch dise ganze naht
 143v,20 haben wir gearbeitet . unde haben nihtesniht gevangen .
 143v,21 aber in dîneme worte sô wile ich loesen daz netze .”

- 143v,22 unde dô si diz getâten . dô besluzzen si der vische eine
143v,23 vollige menige . unde ire netze reiz . unde si winketen
143v,24 den gesellen . di in dem anderen schiffe wâren
143v,25 daz si quâmen unde in hulfen . unde si quâmen . unde
143v,26 vulten di schiffelîn . beide . alsô daz si vile nâh versunken .
- 144r,1 unde dô daz Simon Petrus gesach .
144r,2 dô viel her zuo den kniewen Jêsum unde sprach . “gê ûz von mir .
144r,3 wan ich bin ein mennische ein süntære . hêrre .” wan erschreckunge
144r,4 hatte in umbegeben . unde alle di dâ
144r,5 mit ime wâren in der vâhunge der vische . di si gefangen
144r,6 hatten . aber des gelîche ouch Jakobum unde Johannem
144r,7 di süne Zebedeî . di dâ wâren Simonis gesellen .
144r,8 unde Jêsum sprach zuo Simon . “vürhte dich niht . ûz
144r,9 diseme iezunt salt dû mennischen vâhente werden .” unde
144r,10 si vuorten di schiffe nider zuo der erden . unde si liezen alle
144r,11 dinc . unde volgeten ime . // unde geschên ist . dô her
144r,12 was in einer stat . unde sich ein man vol ûzsetzicheit .
144r,13 unde dô her sach Jêsum . dô viel her vüre in ûf sîn antlitze .
144r,14 her bat in unde sprach . “hêrre ob dû wilt . dû maht
144r,15 mich reinigen .” unde her reckete sîne hant ûz . unde
144r,16 ruorte in unde sprach . “ich wile reinigen .” unde zuohant
144r,17 gienc di ûzsetzicheit von ime . unde her gebôt ime . daz
144r,18 her iz niemande . sagete . aber gesprach her . “zeige dich dem
144r,19 priestere . unde opfere umbe dîne reinigunge . alse Moises
144r,20 geboten hât . in geziugnisse in .” aber dise rede
144r,21 durchwanderte mêr von ime . unde di schare quâmen
144r,22 zuosamene . daz si in hôrten . unde gesunt wurden von
144r,23 ire kranchheit . aber her entweich in di wüestenunge .
144r,24 unde betete . geschên ist aber in eineme der tage . unde her
144r,25 saz lêrente . unde dô wâren di phariseî sitzente . unde
144r,26 di lêrære der êwe . di dâ komen wâren ûz allen kastellen .
- 144v,1 Galileae . unde Judêe unde Jerusalem . unde di tugent des hêrren
144v,2 was si gesunt machente . unde sich di man truogen
144v,3 einen mennischen in dem bette . der was gihtic . unde
144v,4 suochten in in zuo tragenne . unde vüre in zuo legenne . unde
144v,5 si vunt an welichem teile si in in bræhten vore
144v,6 der schare . unde si stigen ûf daz dach . unde si liezen in nider
144v,7 durch di latten mit dem bette vüre Jêsum in daz mittel .
144v,8 unde dô her sach iren gelouben . dô sprach her . “mennische dîne
144v,9 sünde werden dir vergeben .” unde di schribære begonden
144v,10 zuo denkenne . unde di phariseî sprâchen . “wer ist dirre .
144v,11 der dâ sprichet di lasterkôsunge wer mac di sünde
144v,12 vergeben . niur got aleine .” dô aber Jêsum bekante
144v,13 ire gedanken . dô antwerte her unde sprach zuo in . wes
144v,14 gedenket ir in iuweren herzen waz ist liechter zuo sprechenne .
144v,15 “dîne sünde werden dir vergeben .” oder zuo sprechenne .

- 144v,16 "stê ûf unde wandere" aber ûf daz ir wizzet . wan
 144v,17 des mennischen sun maht hât ûf der erden di sünde
 144v,18 zuo vergebenne . her sprach zuo dem gihtigen . "ich sage dir
 144v,19 stê ûf unde hebe ûf dîn bette . unde gê in dîn hûs ."
 144v,20 unde zuohant stuont her ûf vore in . unde huop ûf daz bette .
 144v,21 in dem her lac . unde gienc enwec in sîn hûs . unde groezete
 144v,22 got . unde erschreckunge begreif si alle . unde groezeten
 144v,23 got . unde si sint ervüllet mit vorhte unde sprâchen .
 144v,24 "wan wir haben hiute wunder gesehen" // unde
 144v,25 dâr nâch gienc her ûz unde sach einen publicanum
 144v,26 des name was Levi . sitzente an dem zolle . unde sprach

 145r,1 zuo ime . "folge mir ." unde her stuont ûf unde liez alle dinc
 145r,2 unde volgete ime . unde ime machte Levi eine
 145r,3 grôze wirtschaft in sîneme hûse . unde dô was vile schare
 145r,4 der publikânen . unde der anderen di mit ime sitzente
 145r,5 wâren . unde di pharisei murmeln . unde ire schribære unde sprâchen
 145r,6 zuo sînen jungern . "wâr umbe ezzet ir unde trinket mit
 145r,7 den publikânen unde den süntæren" unde Jêsus antwerte
 145r,8 unde sprach zuo in . "di gesunt sint di bedurften niht
 145r,9 des arzâtes . aber di sich übele gehabt . ich en bin
 145r,10 niht komen zuo ruofenne di gerechten . aber di süntære
 145r,11 zuo der riuwe ." unde jene sprâchen zuo ime . "wâr umbe vasten
 145r,12 Johannis jungern stætlicchen . unde tuon gebet . unde des geliche
 145r,13 ouch di pharisei aber dîne ezzen unde trinken ." unde her sprach
 145r,14 zuo in . "wie müget ir di süne des briutegumes heizen
 145r,15 vasten . alsô lange mit in ist der briutegume . aber
 145r,16 di tage sullen komen . wanne der briutegume von in genomen
 145r,17 wirdet . unde denne sullen si vasten in den tagen ." unde
 145r,18 aber her sprach ouch zuo in ein gelîchnisse . wan niemant
 145r,19 næhet einen schrôten von eineme niuwen kleide in ein
 145r,20 alt kleit . anders daz niuwe rîzet unde daz alte .
 145r,21 wan dem alten vüeghet niht der schrôte von dem niuwen .
 145r,22 unde niemant læzet niuwen wîn in alte bulgen .
 145r,23 anders der niuwe wîn rîzet di bulgen . unde her wirdet vergozzen .
 145r,24 unde di bulgen verderben . aber niuwen wîn læzet man
 145r,25 in niuwe bulgen . unde si werden beide behalten . unde niemant
 145r,26 trinket den alten . her wile zuohant den niuwen . wan her

 145v,1 spricht . "der alte ist bezzer ." capitulum
 145v,2 unde geschên ist an dem anderen sunnenâbende zuo
 145v,3 dem êrsten . dô her übergienc durch di sât . dô
 145v,4 pflücketen sîne jungern ehre . unde âzen si zuoribene
 145v,5 mit den henden . aber sumelîche der pharisei sprâchen zuo
 145v,6 in . "waz tuot ir . daz niht en zimet an dem sunnenâbende"
 145v,7 unde Jêsus antwerte unde sprach zuo in . "noch diz habet ir
 145v,8 niht gelesen . waz Dâvîtet dô in hungerte . unde
 145v,9 di mit ime wâren . wie her in gienc in daz hûs gotes . unde

145v,10 nam di brôt der opferunge . unde az unde gap den di mit
 145v,11 ime wâren . den iz niht en zimete zuo ezzenne . niur
 145v,12 aleine den priesteren .” unde her sprach zuo in . “wan der hêrre
 145v,13 ist des mennischen sun . unde ouch des sunnenâbentes .” geschên
 145v,14 ist aber unde in dem andern sunnenâbende . daz her in gienc
 145v,15 in di sinagôgen . unde lârte . unde dô was ein mennische .
 145v,16 unde sîn rehte hant was durre . aber di schrîbære unde
 145v,17 di pharisei behielten in ob her in an dem sunnenâbende
 145v,18 gesunt machete . ûf daz si vunten . wâ von si in berûegeten .
 145v,19 aber her wiste ire gedanken unde sprach zuo dem
 145v,20 mennischen der di durre hant hatte . “stê ûf unde stê in
 145v,21 daz mittel .” unde her stuont ûf unde stuont . aber Jêsus sprach zuo in
 145v,22 ich vrâge iuch . ob iz zimet an dem sunnenâbende wole zuo
 145v,23 tuonne . oder übele oder di sêle heil zuo machenne . oder zuo
 145v,24 verliesenne unde her sach si alumbe an . unde sprach zuo dem
 145v,25 mennischen . strecke ûz dîne hant . unde her strakte si ûz .
 145v,26 unde sîn hant ist wider gesunt worden . unde si sint ervûllet

146r,1 mit unwîsheit . unde sprâchen zuosamene . waz
 146r,2 si Jêsu tæten . aber iz geschach in den tagen . her gienc ûz
 146r,3 ûf einen berc zuo betenne . unde was über naht in dem
 146r,4 gebete gotes . unde dô iz tac worden was . dô ruofte
 146r,5 her sîne jungern . unde erwelte zwelive ûz in . unde dise
 146r,6 nante her apostelen Simonem . den hiez her Petrum . unde Andream
 146r,7 sînen bruoder . Jacobum unde Johannem . Philippum
 146r,8 unde Bartholomeum . Matheum unde Thomam . Jacobum
 146r,9 Alpheî . Simonem der dâ heizet Zelotes . Judam Jacobî
 146r,10 unde Judam Schariot . der dâ was der meldære . unde
 146r,11 dô her nider steic von dem berge mit in . her stuont ûf einer
 146r,12 veldes stat . unde di schare sîner jungern . unde eine vollige
 146r,13 menige des volkes . von allem Judêa unde Jerusalem .
 146r,14 unde über mer . unde bî dem mere . unde Tyrî unde Sidonis .
 146r,15 di dâ komen wâren ûf daz si in hôrten . unde gesunt
 146r,16 wurden gemachet von iren pînen . unde di dâ gemüejet
 146r,17 wurden von dem unreinen geiste . di wurden gesunt .
 146r,18 unde alle schare suochte in zuo rüerenne . wan
 146r,19 ein kraft gienc ûz von ime . unde machete si alle gesunt
 146r,20 // unde her sprach zuo sînen jungern mit ûf gehalten
 146r,21 ougen . “sælic sît ir armen . wan daz rîche gotes ist
 146r,22 iuwer . sælic sît ir di nû hungert . wan ir werdet
 146r,23 gesetet . sælic sît ir di nû weinet . wan
 146r,24 ir werdet lachen . sælic werdet ir wan iuch
 146r,25 di liute hazzen . unde wan si iuch scheiden . unde verlasteren .
 146r,26 unde iuweren namen ûz werfen alse ein übel durch

146v,1 des mennischen sun . vrôuwet iuch in dem tage unde erhebet
 146v,2 iuch . wan iuwer lôn ist manicvaltich in dem himele .
 146v,3 wan nâch disen tâten ire vetere den prophêten aber

- 146v,4 iedoch wê iuch ir rîchen . wan ir habet iuweren trôst .
 146v,5 wê iuch di nû sat sît . wan iuch wirdet hungere .
 146v,6 wê iuch di nû lachet . wan ir sulet grînen unde weinen .
 146v,7 wê iuch wan iuch di liute wole sprechen . nâch
 146v,8 disen tâten ire vetere den valschen prophêten . aber ich
 146v,9 sage iuch di dâ hoeret . habet liep iuwere vîande . unde
 146v,10 tuot den wole di iuch gehazzet haben . unde benediêt
 146v,11 di . di iuch maledîente sint . bitet vûre di di iuch
 146v,12 letzen . unde swer dich slæt an daz wange . biut ime
 146v,13 ouch daz andere . unde von ime der dir nimet dîn kleit .
 146v,14 ouch den roc salt dû niht widersprechen . aber eineme
 146v,15 iegelîchen der dich bitet . dem gip . unde swer dir nimet daz
 146v,16 dîn ist . en heische iz niht wider . unde also ir wollt
 146v,17 daz iuch di liute tuon . unde alsô tuot ouch ir in des
 146v,18 gelîche . unde ob ir di aleine liep habet . di iuch liep
 146v,19 haben . waz genâde ist iuch daz wan ouch di süntære
 146v,20 haben si liep . di si liep haben . unde ob ir den wole tuot
 146v,21 di iuch wole tuon . waz genâde ist iuch daz . wan di
 146v,22 süntære tuon ouch daz . unde ob ir wehsel gebet den
 146v,23 von den ir hoffet wider zuo nemenne . waz genâde
 146v,24 ist iuch daz wan di süntære borgen ouch den süntæren .
 146v,25 ûf daz si gelîche wider nemen . iedoch habet liep
 146v,26 iuwere vîande . unde tuot in wole . unde gebet wehsel .
- 147r,1 dâ von nihtesniht hoffente . unde iuwer lôn wirdet
 147r,2 manicvaltich in dem himele . unde ir werdet süne
 147r,3 des hôhesten . wan her ist genædic über di ungenæmen .
 147r,4 unde di boesen . unde dâr umbe sît barmherzic also
 147r,5 ouch iuwer vater barmherzic ist . ir sulet niht
 147r,6 vertüemen . unde sô werdet ir niht vertüemet . vergebet
 147r,7 unde iuch wirdet vergeben . gebet . unde iuch wirdet gegeben .
 147r,8 eine guote . unde ein in gedrückete . unde zuosamene gejagete .
 147r,9 unde eine über vlîzente . mâze . sullen si iuch geben
 147r,10 in iuweren schôz . unde mit der selben mâze . mit der ir
 147r,11 werdet mezen . mit der wirdet iuch wider gemezen .
 147r,12 unde her sprach zuo in ouch ein gelîchnisse . unde wie
 147r,13 mac der blinde den blinden leiten wie vallen si niht
 147r,14 beide in di gruoben . der junger ist niht über den
 147r,15 meister . aber volkomen wirdet ein iegelîcher . ob her ist also
 147r,16 sîn meister . aber waz sihes dû ein gestüppe in
 147r,17 dînes bruoderes ouge . aber den balken der in dîne ougen
 147r,18 ist . en merkes dû niht . oder wie maht dû sprechen
 147r,19 zuo dîne bruodere . “gestate mir . daz ich ûz werfe
 147r,20 den stoup von dîne ougen .” unde dû sihes niht selber
 147r,21 den balken in dîne ougen dû gelîchsenære wirf des êrsten
 147r,22 den balken ûz dîne ougen . unde denne maht dû
 147r,23 sehen . daz dû ûz werfes daz gestüppe ûz dînes bruoderes
 147r,24 ougen // wan daz ist niht ein guot boum .

- 147r,25 der dâ machet boese vrûhte . noch daz ein boese
 147r,26 boum . der dâ machet guote vrûhte . wan ein iegelich
- 147v,1 boum wirdet bekant von sîner vruht wan von
 147v,2 den dornen lesen si niht vîgen . noch von dem busche
 147v,3 herbesten si niht wînber . ein guot mennische bringet
 147v,4 guot vûre von dem guoten schatze sînes herzen . unde ein
 147v,5 boese mennische bringet boese vûre von boeseme schatze .
 147v,6 wan ûz der übervlûzzicheit des herzen redet der munt .
 147v,7 aber waz heizet ir mich “hêrre hêrre .” unde tuot niht
 147v,8 daz ich spreche unde ein iegelîcher swer zuo mir komet .
 147v,9 unde hoeret mîne rede unde tuot si . ich wîse iuch weme
 147v,10 her gelîch ist . her ist gelîch einem mennischen der ein hûs bûwet .
 147v,11 der dâ grebet ûf di hoehe . unde sîne gruntvestene
 147v,12 geleget hât ûf einen stein . aber ein übervluot
 147v,13 ist worden . unde daz vliezente wazzer ist in gevallen in
 147v,14 daz hûs . unde mohte iz niht bewegen . wan iz
 147v,15 was gegruntvestenet ûf einen stein . der aber hoeret . unde
 147v,16 niht en tuot . der ist gelîch eineme mennischen der sîn hûs bûwet
 147v,17 ûf di erden sunder gruntveste . in daz ist in gevallen
 147v,18 daz vliezente wazzer . unde iz viel zuohant . unte des
 147v,19 hûses val ist worden grôz // capitulum .
 147v,20 dô her aber in gevüllete alle sîne wort . in di ôren
 147v,21 des volkes . dô gienc her in Kapharnaum . aber
 147v,22 eines centurionis kneht gehabete sich übele .
 147v,23 unde was sterbente . der ime was tiure . unde dô her gehôrte
 147v,24 von Jêsu . dô sande her zuo ime . di altesten der juden .
 147v,25 unde bat in . daz her quæme . unde machete gesunt sînen
 147v,26 kneht . unde dô si quâmen zuo ime . dô bâten sie in
- 148r,1 sorcvaltiglîchen . unde sprâchen zuo ime . “wan her ist sîn
 148r,2 wirdic . daz dû ime daz verlîhes . wan her hât liep
 148r,3 unser diet . unde eine sinagôgen hât her uns gebûwet .”
 148r,4 aber Jêsus gienc mit in . unde dô her iezunt niht verre
 148r,5 was von dem hûse . dô sande centurio zuo ime sîne
 148r,6 vriunde . unde sprach . hêrre dû salt niht gemüejet werden .
 148r,7 wan ich bin sîn niht wirdic daz dû in gês
 148r,8 under mîn dach . unde durch daz habe ich mich ouch
 148r,9 selber niht wirdic geachtet zuo dir zuo komet .
 148r,10 aber sprich mit einem worte . sô wirdet mîn kint gesunt .
 148r,11 wan ich bin ouch ein mennische under gewalt gesetzt .
 148r,12 unde habe rittere under mir . unde ich spriche zuo diseme
 148r,13 “gê” unde her gêt . unde dem anderen “kom .” unde her kumet .
 148r,14 unde mîneme knehte “tuo daz .” unde her tuot iz . unde
 148r,15 diz hôrte Jêsus unde wunderte sich . unde her kârte sich umbe
 148r,16 unde sprach zuo den scharen di ime volgeten . “vûre wâr
 148r,17 sage ich iuch . noch in Israel habe ich sô grôzen gelouben
 148r,18 niht vunden .” unde di dâ gesant wâren . di kârten wider

- 148r,19 zuo hûse . unde vunt den kneht gesunt der gesiechet
 148r,20 hatte . unde iz ist geschên dâr nâch . her gienc
 148r,21 in eine stat di hiez Naym . unde sîne jungern giengen
 148r,22 mit ime . unde eine vollige schare . unde dô her nâhete
 148r,23 der pforten der stat . sich ein tôter wart ûz getragen
 148r,24 ein einic sun sîner muoter . unde dise was ein witewe .
 148r,25 unde vile schare der stat mit ir . unde dô si der hêrre
 148r,26 gesach . dô ist her von barmherzicheit beweget über si .
- 148v,1 unde sprach zuo ir . “dû salt niht weinen .” unde gienc zuo
 148v,2 unde ruorte daz stetelîn . unde jene di dâ truogen di stunten .
 148v,3 unde her sprach . “jungelinc ich sage dir stê ûf .” unde her
 148v,4 saz wider der dâ gestorben was . unde begonde reden .
 148v,5 unde her gap in sîner muoter . unde si nâmen aber alle vorhte .
 148v,6 unde si groezeten got sprechente . “wan der grôze
 148v,7 prophête ist ûf gestanten under uns . unde wan got hât
 148v,8 besehen sîn volc .” unde dise rede gienc ûz in Judêam
 148v,9 allesament von ime . unde in alle daz umbekünincriche .
 148v,10 unde Johannî boteschaften sîne jungern von disen
 148v,11 allen . unde Johannes ruofte zuosamene zwêne von sînen
 148v,12 jungern . unde sande si zuo Jêsu unde sprach . “bis dû der künftic
 148v,13 bis . oder beiten wir eines anderen” unde in der stunte
 148v,14 machete her manige gesunt . von siuchen . unde von
 148v,15 plâgen . unde von boesen geisten . unde vile blinden gap
 148v,16 her daz gesiht . unde Jêsus antwerte unde sprach zuo in . “gêt
 148v,17 unde boteschaftet Johannî . weliche dinc ir gehôrt unte gesehen
 148v,18 hât . wan di blinden sehen . di lamen wandern .
 148v,19 di ûzsetzigen werden gereiniget . di touben hoeren
 148v,20 di tôten stên ûf . unde di armen werden geêwângelizieret .
 148v,21 unde sælic ist der . der in mir niht geergert en wirdet”
 148v,22 unde dô von ime schieden di jungern Johannis . dô begonde her
 148v,23 zuo sprechene zuo den scharen von Johanne . waz sît ir ûz gegangen
 148v,24 in di wüstenunge zuo sehenne . ein rôr daz von
 148v,25 dem winde beweget wirdet oder waz sît ir ûz gegangen
 148v,26 zuo sehenne einen mennischen mit weichen
- 149r,1 kleideren gekleidet sehet di in tiuren kleideren sint .
 149r,2 unde in zartnissen . di sint in den hiuseren der künige . oder
 149r,3 waz sît ir ûz gegangen zuo sehenne einen prophêten
 149r,4 sicherlîchen sage ich iuch . her ist ouch grôzer wan ein
 149r,5 prophête . wan . dirre ist von dem geschriben ist . sehet ich
 149r,6 sende mînen engel vore dîneme antlitze . der dâ bereitet
 149r,7 dînen wec vore dir . unde ich sage iuch . grôzer
 149r,8 prophête under den sînen der wîbe ist niemant . wan Johannes
 149r,9 toufære . swer aber minnere ist in dem rîche gotes . der ist grôzer
 149r,10 wan her . unde diz hôrte allez volc . unde di publikanî
 149r,11 rechtvertigeten in . getoufet mit Johannis toufe .
 149r,12 aber di phariseî unde di volkomenen der êwe versmæheten

- 149r,13 den rât gotes in in selben . unde wurden niht getoufet
 149r,14 von ime . dô sprach Jêsus . unde dâr umbe weme mac
 149r,15 ich gelîch heizen di liute diser geburt . unde weme
 149r,16 sint si gelîch si sint gelîch sitzenten kinderen ûf dem
 149r,17 markete unde kôsente under einandere . unde sprechente .
 149r,18 wir haben iuch gesungen mit vloiten . unde ir
 149r,19 habet niht gesprungen . wir haben weinenklaget .
 149r,20 unde ir habet niht geweinet . wan Johannes
 149r,21 toufære ist komen weder brôt ezzente noch wîn trinkente .
 149r,22 unde ir sprâchet . “her hât den tiuvel .” unde des mennischen
 149r,23 sun ist komen ezzente unde trinkente . unde ir
 149r,24 sprâchet . “sehet ein vrâzhaflic mennische . unde ein
 149r,25 trinkære . unde ein vriunt der publikânen unde der sântære .
 149r,26 unde gerehtvertiget ist di wîsheit von alle iren

 149v,1 sünden .” aber in bat ein phariseus daz her æze mit
 149v,2 ime . unde her gienc in in des pharisei hûs . her saz nider .
 149v,3 unde sehet ein wîp di in der stat was ein sântærinne
 149v,4 dô si bekante daz her zuo tische saz in des pharisei hûse
 149v,5 si brâhte ein alabastrum der salben . unde stuont hinderwart
 149v,6 neben sînen vuozen . unde si begonde mit iren
 149v,7 trænen zuo begiezenne sîne vuoze . unde zuo wischenne
 149v,8 mit den locken ires houbetes . unde kuste sîne vuoze .
 149v,9 unde salbete si mit der salben . diz sach aber der
 149v,10 phariseus . der in geladen hatte . her sprach in ime selber
 149v,11 “unde wære dirre der prophête . sicherlichen her wiste . wer unde
 149v,12 welich diz wîp ist di in rüeret . wan si ein sântærinne
 149v,13 ist .” unde Jêsus antwerte unde sprach zuo ime . “Simon
 149v,14 ich habe dir etewaz zuo sagenne .” unde her sprach . “meister
 149v,15 sprich .” “zwêne schuldigære wâren eineme wuoherære
 149v,16 schuldic . einer solte ime vûnf hundert pfenninge .
 149v,17 unde der andere vûnvzic . unde si hatten niht wâ
 149v,18 von si wider gæben . unde her vergap in beiden . dâr umbe
 149v,19 welicher hât in lieber” Simon antwerte unde sprach . “ich wæne .
 149v,20 daz dirre dem her mêr vergeben hât .” unde her sprach
 149v,21 zuo ime . “dû hât rehte geurteilt .” unde her kârte
 149v,22 sich umbe zuo dem wîbe . her sprach zuo Simonî . “sihes
 149v,23 dû diz wîp ich bin in gegangen in dîn hûs . unde
 149v,24 dû hât mir niht gegeben wazzer mînen vuozen .
 149v,25 aber dise hât mit iren trænen begozzen mîne vuoze
 149v,26 unde mit iren locken gewischet . einen kus hâs dû

 150r,1 mir niht gegeben . aber dise sint dem mâle daz ich
 150r,2 in gegangen bin . en hât si niht abe gelâzen zuo
 150r,3 küssenne mîne vuoze . unde mîn houbet hâs dû mit
 150r,4 oleie niht gesalbet . aber dise hât mit der salben
 150r,5 gesalbet mîne vuoze . unde dâr umbe sage ich dir .
 150r,6 ir werden vergeben vile sünde . wan si hât vile

- 150r,7 lieb gehabet . weme aber minnere vergeben wirdet . der
 150r,8 hât minner lieb .” unde her sprach zuo ir . “dîne sünde werden
 150r,9 dir vergeben .” unde di dâ mit einander sâzen . di begonden
 150r,10 sprechen in in . “wer ist dirre . der ouch sünde
 150r,11 vergibet” unde her sprach zuo dem wîbe . “dîn geloube
 150r,12 hât dich heil gemachet . gê in vride .” // capitulum .
 150r,13 unde geschên ist dâr nâch . unde her machete sînen
 150r,14 wec durch di stete unde kastelle predigente
 150r,15 daz evangelium des rîches gotes . unde di zwelive mit
 150r,16 ime . unde etelîche wîbe di gelediget wâren von den
 150r,17 unreinen geisten . unde siechheit . aber Maria di dâ
 150r,18 heizet Magdalena von der siben tiuvele ûz gegangen
 150r,19 wâren . unde Johanna . Kuse hûsvrouwe des schaffærs
 150r,20 Herôdis . unde Susanna . unde andere vile di ime
 150r,21 dienen von ireme guote . aber dô vile schare
 150r,22 zuosamene quâmen . unde von den steten . unde nâheten
 150r,23 zuo ime . dô sprach her durch ein gelîchnisse . der
 150r,24 dâ sæjet der ist ûz gegangen zuo sæjenne sînen sâmen .
 150r,25 unde dô her sæjete . etelîcher viel bî den wec . unde ist
 150r,26 zuotreten . unde di vogle des himeles âzen in .
- 223v,1 her sprach zuo ime . “spîse mîne lembere .”
 223v,2 unde her sprach zuo ime . zuo dem dritten mâle “Simon Johannes
 223v,3 hâs dû mich lieb” aber Petrus ist trûric worden . wan
 223v,4 her zuo ime sprach zuo dem dritten mâle . “hâs dû mich lîp .” unde
 223v,5 sprach zuo ime . “hêrre dû weist alle dinc . unde dû weist daz
 223v,6 ich dich lieb habe .” her sprach zuo ime . “spîse mîne schâf .
 223v,7 vore wâr vûre wâr sage ich dir . dô dû jungere wære . dô gurtes
 223v,8 dû dich selber . unde wandertes wâ dû woltest . aber wanne
 223v,9 dû altere wirdes . sô salt dû ûz recken dîne hende . unde ein
 223v,10 ander sal dich gûrten . unde leiten war dû niht en wilt .” aber
 223v,11 diz sprach her . bezeichnenente mit waz tôde her got verklâren
 223v,12 solte // unde dô her diz gesprach . dô sprach her zuo ime . “volge
 223v,13 mir .” unde Petrus kârte sich umbe . unde sach den jungern
 223v,14 volgente den Jêsus lieb hatte . der ouch ruowete in dem âbentezzen
 223v,15 ûf sîner brust . unde sprach “hêrre wer ist iz der dich verrâten sal”
 223v,16 unde dô disen Simon Petrus sach . dô sprach her zuo Jêsu . “hêrre aber
 223v,17 waz sal dirre” unde Jêsus sprach zuo ime . “ich wile in alsô
 223v,18 haben belîbente . biz ich kome . ruoche dû dich folge
 223v,19 dû mir .” unde dâr umbe gienc dise rede ûz under den bruoderen .
 223v,20 daz dirre jungere niht sterben solte . unde Jêsus sprach niht .
 223v,21 daz her niht sterben solte . aber “ich wile in alsô haben belîbente .
 223v,22 biz ich kome . en ruoche dû dich .” diz ist der jungere
 223v,23 der daz geziugnisse gibet von disen . unde hât diz geschriben .
 223v,24 unde wir wîzen daz sîn geziugnisse wâr ist .
 223v,25 // aber noch sint andere vile di Jêsus getân hât . unde ob
 223v,26 man daz allez beschrîbe al einzelingen . wan ich ahte .

- 224r,1 di werlt selbe begriffe si niht di büechere di
 224r,2 zuo schrîbenne sint . hier endet daz buoch sencte
 224r,3 Johannis des êwangelisten . got sî gelobet .
 224r,4 ûz der biblien ist dise übertragunge in daz
 224r,5 mittelste diutisch mit einvaltigen slehten
 224r,6 worten ûz gedrucket . zuo gelîchheit des einvaltigen
 224r,7 textes . mit hülfe des heiligen geistes . der ouch mit
 224r,8 einvaltigen worten an gewîset hât di êwangelisten .
 224r,9 volgente Jakop deme geminneten . der von zamen
 224r,10 sîner muoter tieren spîse bereitte . unde erarnete von
 224r,11 dem vatre entwâhen genûhticheit der benediunge .
 224r,12 unde niht alse sumelîche ôrekutzelære pflegen . di
 224r,13 mit floitierenten gespitzten sinnen von des vaters
 224r,14 lande des textes gên enwec in ein verre künincriche
 224r,15 eines vremen sinnes . di daz fîne golt mit glîzentem
 224r,16 kundervelle überzieren wollen . unde
 224r,17 den wole riechenten balsamen mit venchelwazzere
 224r,18 ruohtet machen . dise jagen wilt mit dem
 224r,19 gehazzeten Esau . unde erwerben niuwan zîtlichen
 224r,20 segen . unde über dise klaget sencte Paulus in sînen
 224r,21 epistolen . daz si wêrlîchen mit dem meisten schaden letzen
 224r,22 di wârheit . unde nennet si gelit satanê unde
 224r,23 satanam ire houbet . âmên .
 224r,24 hier beginnet di passio alse si mit einander sprechen .
 224r,25 Matheus . Markus . Lucas . Johannes .

 224v,1 dô Jêsus dise wort gesprochen hatte . dô gienc
 224v,2 her ûz mit sînen jungern in ein dorf . daz hiez Gethsemane .
 224v,3 Johannes . über daz wazzer Cedron .
 224v,4 unde dâ was ein garte . unde dâ gienc her in mit sînen
 224v,5 jungern . unde Judas der in verriet wiste wole di stat . wan
 224v,6 her dicke pflac dar zuo kômenne mit sînen jungern . Matheus .
 224v,7 Markus . Lucas unde dô Jêsus dar quam . dô sprach her
 224v,8 zuo sînen jungern . “sitzet hier unde betet . daz ir niht en vallet
 224v,9 in bekorunge . unde beitet mîn hier . biz ich dâr gegê .
 224v,10 unde gebete .” Matheus . Markus unde dô nam her Petrum .
 224v,11 unde Zebedei kindere Jacobum unde Johannem . unde gienc ein wênic
 224v,12 vûrebaz . unde in begonde zuo verdriezenne unde betrüebet
 224v,13 zuo sîne . unde sprach zuo in . “mîne sêle ist betrüebet
 224v,14 biz in den tôt . beitet mîn hier . unde wachet mit mir .”
 224v,15 Lucas . unde dô gienc her von in wole alsô verre alse man
 224v,16 mit eineme steine gewerfen mohte . unde mit geböugeten
 224v,17 kniewen sô betete her . Matheus . Markus . unde viel ûf
 224v,18 sîn antlitze . unde bat unde sprach . “vater alle dinc sint
 224v,19 dir mûglich . mac iz gesîn . sô nim disen kelich
 224v,20 abe von mir . aber doch vater niht geschê . daz ich wile .
 224v,21 aber daz dû wilt .” unde dô her ûf gestuont von sîneme gebete .
 224v,22 dô quam her zuo sînen jungern . unde vant si slâfente . unde sprach

- 224v,23 zuo Petrô . “Simon slæfes dû unde waz slâfet ir unde
 224v,24 en mohtet ir niht eine stunte gewachen mit mir
 224v,25 wachet unde betet . daz ir niht en vallet in bekorunge .
- 225r,1 wan der geist ist bereite . aber daz vleisch ist kranc .”
 225r,2 unde dô gienc her anderweide beten . unde sprach . “vater unde
 225r,3 mac dirre kelich niht abe gên . ich en sulle in trinken .
 225r,4 sô geschê dîn wille .” Lucas unde dô quam ein engel
 225r,5 von himele unde trôste in . unde mit dem betrüebnisse dâ
 225r,6 her inne was . sô wart her lange betente . unde sô wart
 225r,7 sîn sweiz also bluotes tropfen . nider loufente zuo der erden .
 225r,8 Matheus Markus . Lucas unde dô her ûf gestuont . dô quam
 225r,9 her zuo sînen jungern . unde vant si slâfente . von betrüebnisse .
 225r,10 wan ire ougen wâren beswæret von slâfe . daz si
 225r,11 niht en wisten waz si ime antwürten solten . Matheus
 225r,12 Markus unde dô liez her si unde gienc zuo dem dritten mâle
 225r,13 beten . unde bat di selbe rede . unde dâr nâch quam her wider
 225r,14 zuo sînen jungern . unde sprach . “nû slâfet unde ruowet . iz ist
 225r,15 genuoc . sehet nû komet di stunte . daz des mennischen
 225r,16 sun sal gegeben werden in di hende der süntære . stêt ûf unde
 225r,17 gên wir . sehet her ist uns nâhente . der mich hine geben
 225r,18 sal” Matheus . Markus Lucas Johannes unde under des .
 225r,19 dô Jêsus diz sprach . sehet dô quam Judas der einer geweset
 225r,20 was von den zweliven . unde mit ime eine grôze schar
 225r,21 volkes . mit swerten . unde mit stecken . unde mit wâfenen
 225r,22 unde mit laternen di gesant wâren von den vürsten
 225r,23 der priestere . unde von den schribærn . unde von den altesten des
 225r,24 volkes . Matheus unde der in verriet der hatte in ein
 225r,25 zeichen gegeben . unde hatte in geseit . “wen ich küsse
- 225v,1 der ist iz . haltet in . unde leitet in sicherlîchen .” unde dô
 225v,2 gienc her alzuohant zuo Jêsu unde sprach . “gegrüezet sîs dû
 225v,3 meister .” Lucas unde mit deme trat her vürebaz in zuo küssenne .
 225v,4 unde kuste in . unde Jêsus sprach . “Juda gibes dû des
 225v,5 mennischen sun hin mit dem kusse vriunt wâr zuo bis
 225v,6 dû her komen” Johannes unde Jêsus wiste wole allez daz .
 225v,7 daz an ime zuo geschênne was . unde trat vürebaz . unde
 225v,8 sprach . “wen suochet ir” unde si antwurten “Jêsum nazarenum”
 225v,9 unde her sprach . “ich bin iz .” unde Judas stuont mit in . unde dô
 225v,10 Jêsus diz sprach . “ich bin iz .” dô trâten si hinderwart .
 225v,11 unde vielen nider zuo der erden . unde Jêsus vrâgete si anderweit .
 225v,12 “wen suochet ir” unde dô sprâchen si . “Jêsum nazarenum .”
 225v,13 unde dô antwerte her in . “ich habe iz iuch geseit . daz ich
 225v,14 iz bin . suochet ir mich . sô lâzet dise hine wec gên .”
 225v,15 daz di rede ervüllet werde di her sprach . dô her saite . “di
 225v,16 dû mir gegeben hâst . der en ist keiner verloren .” Matheus .
 225v,17 Markus Lucas Johannes unde dô trâten si vürebaz . unde
 225v,18 leiten ire hende an in unde hielten in . unde dô daz sâhen

- 225v,19 sîne jungern di bî ime wâren . waz dâ zuo geschênne
 225v,20 was . dô sprâchen si zuo ime . “hêrre wilt dû daz wir slahen
 225v,21 mit dem swerte .” unde dô zôch Simon Petrus ûz ein
 225v,22 swert daz her bî ime hatte . unde sluoc des vürsten kneht .
 225v,23 unde sluoc ime abe sîn rehte ôre Johannes aber
 225v,24 des knehtes name was Malchus . unde dô sprach
 225v,25 Jêsus zuo Petrô . “den kelich den mir mîn vater gegeben
 225v,26 hât zuo trinkenne . en sal ich den niht trinken stôz dîn
- 226r,1 swert in sîne scheide . Matheus wan alle di daz
 226r,2 swert nemen . di sullen verderben in deme swerte . unde en
 226r,3 wænes dû niht daz ich mînen vater müge erbiten .
 226r,4 daz her mir nû sende . mêr danne zwelif tûsent schare
 226r,5 der engele . unde wie solte danne di schrift ervüllet werden
 226r,6 wan iz muoz alsô geschên . Lucas lâzet iuwer
 226r,7 slahen sîn .” dô nam her sîne hant unde ruorte jeneme sîn
 226r,8 ôre unde alzuohant sô wart her gesunt Matheus . Markus
 226r,9 Lucas unde dâr nâch sprach Jêsus zuo dem volke . daz
 226r,10 dâ versamenet was gegen ime . “ir sît gegen mir ûz
 226r,11 gegangen mit swerten unde mit stecken umbe mich
 226r,12 zuo vâhenne . alse op ich wære ein mordære . unde ich was
 226r,13 allewege mit iuch . unde lârte iuch in dem tÊmpele . unde ir
 226r,14 en vienget mich niht . Lucas . aber diz ist iuwere stunte
 226r,15 unde ein gewalt des vinsternisses . Matheus . Lucas .
 226r,16 unde diz ist allez dâr umbe geschên . daz di schrift der prophêten
 226r,17 ervüllet würde .” unde dô liezen in di jungern alle unde
 226r,18 vluchen . Johannes unde dô begriffen in di knehte
 226r,19 der juden unde der vürsten . unde daz volc daz dâ versamenet
 226r,20 was umbe Jêsum . unde bunden in unde vuorten in zuo Annam .
 226r,21 unde der was swâger Kaiphas . der bischov was
 226r,22 in dem jâre . aber Kaiphas was der . der den juden den rât
 226r,23 gap . daz iz nützelich wære . daz ein mennische stürbe vüre
 226r,24 daz volc . Matheus . aber dô man Jêsum hine wec vuorte .
 226r,25 unde dô volgete ime ein jungelinc mit eineme zindâle
 226r,26 gekleidet ûf di blôze hût . unde si begriffen in .
- 226v,1 unde hielten in . unde her liez den zindâl vallen . unde entvlôch
 226v,2 nacket von in . Matheus . Markus . Johannes unde dô Simon
 226v,3 Petrus sach daz man Jêsum hine wec vuorte . dô volgete
 226v,4 her ime nâch von verrenes . Johannes unde noch ein
 226v,5 andere von Jêsu jungern . biz vüre den sal des vürsten . aber
 226v,6 der jungere was bekant von dem vürsten . unde gienc in mit
 226v,7 Jêsu in den sal des vürsten . aber Petrus beleip stênte ûzwentige
 226v,8 bî der türe . unde dô gienc der andere jungere der bekant
 226v,9 was von den vürsten her ûz . unde sprach zuo der diernen
 226v,10 di der türe huotte . daz si Petrum in lieze gên . dô sprach
 226v,11 di dierne di der türe huotte zuo Petrô . “unde en bis dû niht
 226v,12 einer von dises mennischen jungern” unde her sprach . “nein .

- 226v,13 ich en bin iz niht .” unde dô stuonten dâ bî di knehte . unde
 226v,14 di dierne bî eineme viure . unde wermeten sich . wan iz was
 226v,15 kalt . unde Petrus was mit in stênte . unde sich wermente .
 226v,16 Matheus . dâr umbe daz her sehen wolte daz ende .
 226v,17 Johannes unde dô vrâgete der vürste Jêsum von sîner
 226v,18 lêre unde von sînen jungern . unde dô antwerte ime Jêsus .
 226v,19 “ich habe offenbâr gesprochen in di werlt . unde ich habe
 226v,20 allewege gelârt in der sinagôgen unde in dem tēpele
 226v,21 dâ alle di juden zuosamene komen . unde in heimelîchen
 226v,22 steten en habe ich nihtesniht gesprochen . waz
 226v,23 vrâges dû mich vrâge di . di iz gehôrt haben . waz
 226v,24 ich in gesait habe . sich si wizzen waz ich in gesait
 226v,25 habe .” unde dô Jêsus daz gesprochen hatte . dô stuont
 226v,26 dâ einer von den knehten . der gap Jêsu einen backenslac
- 227r,1 unde sprach . “antwortes dû alsô eineme vürsten” dô
 227r,2 antwerte ime Jêsus . “habe ich übele gesprochen . sô
 227r,3 gip geziugnisse von übele . habe ich aber wole gesprochen .
 227r,4 unde wâr umbe slâst dû mich danne” unde dô sande
 227r,5 Annas Jêsum gebunden zuo Kaipha dem bischove . Matheus .
 227r,6 Markus Lucas Johannes unde Simon Petrus
 227r,7 stuont noch unde wermete sich . unde dô quam ein ander dierne .
 227r,8 unde dô si Petrum an gesach . dô sprach si zuo den di dâ
 227r,9 stuonten . “unde dirre was mit Jêsu Nazarenære .” unde dô
 227r,10 sprâchen ouch di dâ stuonten zuo Petrô . “wærlîchen dû
 227r,11 bis ouch von den jenen . wanne dîne sprâche offenbâret
 227r,12 dich .” unde dô lougenete sîn aber Petrus mit eiden .
 227r,13 unde sprach . daz her des mennischen niht en kente . Johannes
 227r,14 unde dâr nâch über eine kleine zît . dô sprach einer von
 227r,15 des vürsten knehten . der dâ ein mâc was jenes . deme
 227r,16 Petrus daz ôre abe sluoc . “unde en sach ich dich niht
 227r,17 in dem garten mit ime” unde dô lougenete aber Petrus .
 227r,18 unde zuohant sô sanc der hane . Matheus . Markus
 227r,19 Lucas . unde dô kârte sich Jêsus umbe . unde sach ûf Petrum .
 227r,20 unde mit dem sô gedâhte Petrus des wortes .
 227r,21 daz ime Jêsus hatte gesait . êr danne der hane gesinget
 227r,22 zuo zwein mâlen . sô salt dû mîn zuo drîn mâlen
 227r,23 verlougenen noch hiute . unde dô gienc her ûz . unde begonde
 227r,24 bitterlîchen zuo weinenne . aber des anderen tages vruo .
 227r,25 dô versameneten sich di vürsten der priestere mit den altesten
 227r,26 von dem volke . unde mit den schrîbæren . unde aldâ sô
- 227v,1 suochten si alle valsche geziugnisse wider Jêsum . daz si
 227v,2 in hin gegâben dem tôde . unde si en vunten ir niht .
 227v,3 noch danne daz vile valsche geziuge dar quâmen .
 227v,4 unde vile geziugeten . aber ire geziugnisse wâren unbequæmelîche .
 227v,5 unde zuo lezzest quâmen zwêne valsche
 227v,6 geziuge . unde sprâchen . “wir haben disen gehôrt sprechen .

227v,7 ich habe maht disen tĕmpel gotes zuo stoerenne .
 227v,8 disen der mit henden gemachet ist . unde in drĕn
 227v,9 tagen einen anderen zuo machenne sunder hende .” unde Jĕsus
 227v,10 sweic unde en antwerte niht . Matheus . unde dā stuont
 227v,11 der vürste der priestere ūf . unde gienc stĕn inmittene vüre Jĕsum
 227v,12 unde vrāgete in unde sprach . “en antwürtes dû nihtesniht
 227v,13 zuo den dingen . di dise wider dich geziugen” unde Jĕsus
 227v,14 sweic . unde en antwerte ime niht . unde dô vrāgete in aber
 227v,15 der vürste der priestere unde sprach zuo ime . “ich beswere dich
 227v,16 bĭ dem lebenden gote . daz dû uns sages ob dû sĭst
 227v,17 Christus gotes sun” unde dô antwerte Jĕsus unde sprach . “dû sprichest
 227v,18 iz . wan ich bin iz . Lucas aber sage ich iz iuch
 227v,19 ir en geloubet mir niht . vrāge ich aber iuch . ir en antwürtet
 227v,20 mir niht . noch en lâzet mich niht gĕn . Matheus .
 227v,21 Markus . Lucas aber nochdanne sage ich iuch . daz
 227v,22 ir vürebaz mĕr sullet sehen des mennischen sun sitzen zuo
 227v,23 der rechten hant der mugentheit gotes . unde wider komen
 227v,24 in den wolken des himeles .” unde dô reiz der vürste der
 227v,25 priestere sĭne kleidere . unde sprach . “her hât gerâset . unde waz
 227v,26 bedurfen wir nû mĕr geziugnisse . sehet ir hât nû

228r,1 alle gehôrt ein lasterkôsen ūz sĭnem munde . Matheus
 228r,2 unde waz dunket iuch nû” unde dô antworten si alle unde
 228r,3 sprâchen . “her ist schuldic des tôdes .” unde dô spĭweten sie
 228r,4 ime in sĭn antlitze . Lucas unde di in hielten di spotten
 228r,5 sĭn . unde bedakten ime sĭn antlitze . Matheus . unde
 228r,6 gâben ime halsslege . unde dô in di verspottet hatten .
 228r,7 dô quâmen andere unde gâben ime kinnebackenslege in
 228r,8 sĭn antlitze . unde spotten mit ime unde sprâchen . “prophĕzĭe
 228r,9 uns Christe . wer ist der dich sluoc” Lucas unde vile andere
 228r,10 versmæhenisse tâten si ime . Matheus . Markus . Lucas .
 228r,11 Johannes unde dô si sĭn genuoc gespottet hatten .
 228r,12 unde gehalsslaget . dô nâmen si in . unde vuorten in gebunden
 228r,13 in daz dinchûs . unde gâben in Pontiô Pilatô .
 228r,14 dem rihtære . Johannes si en giengen aber niht in daz dinchûs .
 228r,15 daz si iht bevlecket wurden . unde daz si mohten
 228r,16 ezzen daz ôsterlamp . Matheus . unde dô Judas
 228r,17 daz gesach der in verriet . daz her vertüemet was zuo dem
 228r,18 tôde . dô gerou iz in . unde gap wider den vürsten der
 228r,19 priestere unde den altesten von dem volke . di drĭzic silberĭne
 228r,20 pfenninge . unde sprach . “ich habe gesündet . ich habe
 228r,21 daz gerechte bluot verkoufet .” unde si sprâchen “waz
 228r,22 gĕt uns daz ane . daz sich dû vore .” unde dô warf her
 228r,23 di drĭzic silberĭne pfenninge in den tĕmpel . unde gienc
 228r,24 hine wec . unde hienc sich an einen stric . unde dô nâmen
 228r,25 di vürsten der priestere di drĭzic silberĭne pfenninge .
 228r,26 unde sprâchen . “ez ist uns niht erloubet . daz

- 228v,1 man si lege in den stoc . wan si sint ein lôn des bluotes . ”
 228v,2 unde dô wurden si zuo râte . unde koufeten dâ mite einen acker
 228v,3 eines töpferes . daz man dâr ûfe begraben solte
 228v,4 di ellende pilgerîme . unde dâr umbe wart der acker geheizten
 228v,5 Acheldemach . daz ist ein acker des bluotes . biz ûf disen
 228v,6 hiutigen tac . ist her alsô geheizten . unde dô wart ervûllet
 228v,7 daz gesprochen ist . durch den prophêten Jeremiam . “sie
 228v,8 nâmen di drîzic silberîne pfenninge den lôn des zuo
 228v,9 gelônenten . dâ ich umbe gekoufet was von den israhêlischen
 228v,10 kinderen . unde gâben si umbe den acker des töpferes
 228v,11 also mir got geoffenbâret hât . ” Johannes unde
 228v,12 dô di juden Jêsum Pilatô hatten gegeben . dô gienc Pilatus
 228v,13 her ûz zuo in unde sprach . “waz ist di rüegunge di
 228v,14 ir brenget wider disen mennischen” unde dô antwurten
 228v,15 si ime unde sprâchen . “unde en wære her niht ein ûbeltætlic
 228v,16 mennische . wir en hetten in dir niht gegeben . Lucas
 228v,17 wan wir haben disen vunden verkêrente unse volc . unde
 228v,18 dem keisere verbiutet her zins zuo gebenne . unde sprach
 228v,19 von ime selber daz her wære Christus . ” Johannes . unde dô
 228v,20 sprach Pilatus . “sô nemet ir in unde urteilet in nâch
 228v,21 iuwer . êwe . ” dô antwurten ime di juden unde sprâchen . “uns
 228v,22 ist niht erloubet iemande zuo toetenne . ” aber daz di rede
 228v,23 Jêsu ervûllet würde di her sprach in bezeichnung waz
 228v,24 tôdes her sterben solte . unde dô gienc Pilatus anderweit
 228v,25 in daz dinchûs . unde rief Jêsum . Matheus . Markus
 228v,26 Lucas Johannes unde sprach . “bis dû der juden küninc”

 229r,1 dô antworte ime Jêsus . unde sprach . “spriches dû von
 229r,2 dir selber . oder haben dir iz andere gesait von mir”
 229r,3 unde dô antworte Pilatus . “bin ich ein jude . dîn volc .
 229r,4 unde dîne vürsten di haben dich mir gegeben . waz hâs
 229r,5 dû getân” unde dô antworte Jêsus “unde wære mîn rîche
 229r,6 von dirre werlte . mîne dienære stüenten bî mir . unde en gestateten
 229r,7 des niht . daz ich den juden gegeben würde . nû ist
 229r,8 aber mîn rîche niht von dirre werlte . ” unde dô sprach Pilatus
 229r,9 zuo ime . “unde dâr umbe sô bis dû ein küninc” dô antworte
 229r,10 Jêsus . dû spriches iz . wan ich bin ein küninc . unde
 229r,11 dâr zuo bin ich geboren . unde dâr zuo bin ich komen
 229r,12 in dise werlt . daz ich geziugnisse gebe der wârheit . unde
 229r,13 alle di ûz der wârheit sîn . di hoeren mîne stimme . unde
 229r,14 dô sprach Pilatus . “waz ist di wârheit” unde dô her daz
 229r,15 gesprach . dô gienc her anderweide ûz zuo den juden . Lucas unde
 229r,16 sprach zuo den vürsten der priestere . unde zuo dem volke . “ich en vinde
 229r,17 nihtesniht sache des tôdes in disem mennischen . ” unde
 229r,18 di juden riefen sêre . “her hât daz volc erweget lêrente
 229r,19 durch allez Judêam von Galilea biz alher . ” unde dô Pilatus
 229r,20 hôrte Galileam nennen . dô vrâgete her ob der mennische
 229r,21 von Galilea wære . unde dô her vernam daz her von Herôdis

- 229r,22 gewalt was . dô sande her in zuo Herôdese . wan
 229r,23 her was zuo Jerusalem in den tagen . unde dô Herôdes Jêsum gesach .
 229r,24 dô wart her sêre vrô . wan her hatte sîn lange
 229r,25 zît begeret zuo sehenne . umbe daz daz her vile hatten gehôrt
 229r,26 von ime sagen . unde hoffete etewaz zeichenes von

 229v,1 ime zuo sehenne . unde her vrâgete in mit vile reden . unde
 229v,2 Jêsus en antwerte ime nihtesniht . unde dô stuonten dâ
 229v,3 di vürsten der priestere . unde di schrîbære . unde rüegeten in stætclîchen
 .
 229v,4 unde dô versmæhete in Herôdes mit den sînen . unde
 229v,5 spotteten sîn . unde her tet ime ane ein wîz kleit . unde sande
 229v,6 in wider zuo Pilatô . unde dô wurden si gevriunt Herôdes
 229v,7 unde Pilatus in den tagen . wan si wâren vore vîande
 229v,8 geweset under einandere . Johannes . Lucas unde
 229v,9 dô Jêsus wider zuo Pilatô komen was . dô gienc Pilatus
 229v,10 ûz . unde rief zuosamene den vürsten der priestere . unde der meisterschaft
 229v,11 des volkes . unde sprach zuo in . “ir habet mir
 229v,12 vüre brâht disen mennischen . also op her sî ein verkêrære
 229v,13 des volkes . nû sehet ich habe in gevîaget vore iuch .
 229v,14 unde ich en vinde keine sache an disem mennischen von allem
 229v,15 deme . in dem ir in rüeget . noch ouch Herôdes . wan
 229v,16 her hât in wider gesant zuo uns . unde en hât keine sache
 229v,17 des tôdes in ime gevunden . unde dâr umbe sal ich in tuon
 229v,18 geiselen . unde sal in lâzen gên .” unde dô rief allez daz
 229v,19 volc unde sprach . “nim disen unde kriuzige in .” unde dô
 229v,20 antwerte in Pilatus unde sprach . “nemet ir in unde kriuziget
 229v,21 in . Johannes wan ich en vinde keine sache
 229v,22 in ime .” unde dô antworten ime di juden unde sprâchen . “wir
 229v,23 haben eine êwe . unde nâch der êwe sal her sterben . wan her
 229v,24 sich gotes sun hât gemachet .” Matheus . Markus
 229v,25 Lucas aber dô Pilatus dise rede gehôrte . dô vorhte
 229v,26 her sich noch mêr . unde gienc aber in daz dincûs .

 230r,1 unde sprach zuo Jêsu . “wannen bis dû” unde Jêsus en gap ime
 230r,2 kein antwerte . Johannes dô sprach Pilatus zuo ime .
 230r,3 “en spriches dû niht gegen mir en weist dû niht
 230r,4 daz ich gewalt habe dich zuo kriuzigenne unde gewalt
 230r,5 habe dich zuo lâzenne .” unde dô antwerte Jêsus . “dû
 230r,6 en hettes keine gewalt über mich . en wære si dir niht .
 230r,7 gegeben von enboben . unde dâr umbe der mich dir gegeben
 230r,8 hât . der hât mêr gesündet .” aber dâr nâch suochte Pilatus .
 230r,9 wie her in mohte gelâzen . unde dô daz di juden
 230r,10 gesâhen . dô riefen si sêre unde sprâchen . “læzes dû disen
 230r,11 gên . sô bis dû niht ein vriunt des keiseres . wan swer
 230r,12 sich küninc machet . der widersaget dem keisere .” unde dô
 230r,13 Pilatus dise rede gehôrte . dô vuorte her Jêsum ûz unde
 230r,14 saz ûf den dincstuol zuo gerihte . in di stat di dâ heizet

230r,15 Likostratot . unde in êbrêmischem Golgatha . unde daz
 230r,16 was ûf den vrîtac vore ôstern . wole umbe di sehste
 230r,17 stunte . unde sprach zuo den juden . “sehet iuweren küninc .” unde
 230r,18 dô in di juden gesâhen . dô riefen si gemeinlichen . alle .
 230r,19 unde sprâchen . “hebe ûf hebe ûf kriuzige in .” unde dô
 230r,20 sprach Pilatus . “sô kriuzige ich iuweren küninc .” unde
 230r,21 dô antworten ime di vürsten . “wir en haben keinen küninc .
 230r,22 aber einen keiser .” Matheus . Markus . Johannes
 230r,23 unde dô begonden in di hôhesten priestere unde di bischove
 230r,24 zuo rüegenne in vile dingen . unde Jêsus en antwerte ime nihtesniht
 230r,25 Markus . unde dô sprach Pilatus zuo Jêsu . “en hoeres
 230r,26 dû niht . wie vile geziugnisse si bringen wider

230v,1 dich” unte Jêsus en antwerte ime ein wort niht . alsô
 230v,2 daz sich der rihtær sêre wunderte . Matheus .
 230v,3 Markus . Lucas aber ûf di hôchzît von ôstern sô was
 230v,4 ein gewoneheit daz der rihtære einen von den gefangenen
 230v,5 lôs lieze . welichen daz volc haben wolte .
 230v,6 unde ûf di zît sô was einer gefangen der hiez Barrabas
 230v,7 Johannes unde dô rief her den juden zuosamene .
 230v,8 unde sprach . “ez ist eine gewoneheit . daz ich iuch einen
 230v,9 gefangen lôs lâze ûf den tac der hôchzît von den ôstern .
 230v,10 wen wollt ir daz ich iuch lôs lâze . Barrabas .
 230v,11 oder Jêsum der dâ heizet Christus” Matheus wan her wiste
 230v,12 wole . daz si in ime hatten gegeben durch einen
 230v,13 haz . unde dô her saz zuo gerihte . dô sande sîn wîp zuo
 230v,14 ime . unde sprach . “en underwint dich niht dises gerechten
 230v,15 mennischen . wan ich habe hiute in dem troume
 230v,16 vile geliten durch in .” dô rieten di vürsten der
 230v,17 priestere unde di altesten des volkes dem gemeinen
 230v,18 volke daz si hieschen Barrabas . aber Jêsum verderbeten
 230v,19 unde dô vrâgete aber der rihtære . “welichen wollt
 230v,20 ir daz ich iuch lôs lâze von disen zwein” unde
 230v,21 dô riefen si alle “Barraban .” Johannes . Barrabas
 230v,22 aber was ein mordære . Lucas unde umbe einen manslaht .
 230v,23 den her getân hatte in der stat . sô was her gefangen
 230v,24 unde geleget in den karkære Matheus . Markus .
 230v,25 Lucas . unde dô antwerte in Pilatus . unde sprach .
 230v,26 “unde waz sal ich danne tuon mit Jêsu der dâ heizet

231r,1 Christus .” dô sprâchen si alle “kriuzige in .” dô sprach
 231r,2 Pilatus . “waz hât her übeles getân” dô riefen si
 231r,3 noch mêr . “her sal gekriuziget werden .” Matheus . aber
 231r,4 dô Pilatus sach daz iz niht en half allez daz her tet .
 231r,5 unde saite . aber daz daz geruofede ie mêrre wart . under
 231r,6 dem volke . dô nam her wazzer unde twuoc sîne hende
 231r,7 vore alle den di dâ wâren . unde sprach . “ich bin unschuldic
 231r,8 von dem bluote des gerechten mennischen . ir

- 231r,9 gesêt iz .” unde dô antwerte allez daz gemeine volc .
 231r,10 also ûz eineme munde unde sprach . “sîn bluot belîbe ûf
 231r,11 uns . unte ûf unser kindere .” Matheus . Markus . Lucas
 231r,12 Johannes unde dô liez her in Barraban gên . unte Jêsum tet
 231r,13 her geiselen . unde dô her geiselt was . dô gap in Pilatus
 231r,14 sînen rittern . unde den di mit ime wâren . daz si in
 231r,15 kriuzigten . Matheus . Markus . Johannes unde dô nâmen
 231r,16 si in . unde vuorten in wider in daz dinchûs . unde sameneten
 231r,17 allez daz gemeine volc umbe in . unde tâten ime
 231r,18 sîne kleidere ûz . unde tâten ime ane einen roc von pfellele .
 231r,19 unde hiengen umbe in einen mandel von gelwem samîte .
 231r,20 unde vluhten eine krône von dornen . unde satzten si ime
 231r,21 ûf sîn houbet . unde gâben ime ein rôr in sîne rehte hant .
 231r,22 unde knieten vüre in . unde sprâchen zuo spotte . “gegrüezet
 231r,23 sîs dû der juden küninc .” Johannes unde gâben ime halsslege .
 231r,24 unde dô gienc aber Pilatus ûz . unde sprach zuo in . “sehet
 231r,25 ich vüere in her vüre zuo iuch . alsô daz ir bekennet . wan
 231r,26 ich en vinde keine sache in ime .” unde dêr umbe gienc Jêsum

 231v,1 unde truoc di durnîne krône . unde di kleidere von pfellel .
 231v,2 unde dô sprach her zuo in . “sehet disen mennischen .” Matheus . Markus
 231v,3 unde dêr nâch spîweten si ime in sîn antlitze . unde nâmen
 231v,4 daz rôr unde sluogen in dâ mite ûf sîn houbet . unde
 231v,5 dô si sîn genuoc hatten gespottet . dô tâten si ime abe den
 231v,6 mandel . unde teten ime ûz den roc von pfellel . unde tâten
 231v,7 ime sîne kleidere wider an . Johannes . unde legeten ime
 231v,8 sîn kriuze ûf sînen hals . unde vuorten in ûz an di stat der
 231v,9 entbloezunge . di in êbrêmischem heizet Golgatha . dâ
 231v,10 si in kriuzigten . Matheus . Markus . Lucas . unde dô
 231v,11 si dêr enbûzen quâmen . dô vunt si einen man der hiez
 231v,12 Simon cyreneus . Matheus . unde der was vater Alexandri
 231v,13 unde Rufi . unde der quam von eineme dorfe . unde disen
 231v,14 twungen si . daz her daz kriuze muoste tragen nâch Jêsum .
 231v,15 Lucas unde dô volgeten Jêsum vile schare des volkes .
 231v,16 unde der wîbe . di in sêre weineten unde klageten . unde dô
 231v,17 kârte sich Jêsum umbe zuo in unde sprach . “ir tohtere von Jerusalem
 231v,18 niht en weinet über mich . aber weinet über iuch selber .
 231v,19 unde über iuwere kindere . wan di tage komen in den si sullen
 231v,20 sprechen . sælic sint di untretigen . unde di biuche di
 231v,21 niht geboren haben . unde di bruste di niht en gesouget
 231v,22 haben . unde danne sullen si beginnen zuo sprechene zuo den
 231v,23 bergen .” vallet ûf uns . unde den hûbelen “bedecket uns .”
 231v,24 wan ob si diz tuon eineme grünen holze . unde waz
 231v,25 sal danne geschên eineme durren holze unde dô vuorten
 231v,26 si ouch zwêne andere boesewichte mit ime . daz sie

 232r,1 si tôtten . Matheus . Markus . Lucas . Johannes unde dô
 232r,2 Jêsum quam zuo der stat . dâ man di ûbeltætigen pflac zuo verderbenne .

- 232r,3 di in êbrêischem heizet Golgatha . unde dô hienc
 232r,4 man Jêsum an ein kriuze . unde di diebe einen zuo der rehten
 232r,5 sîten . aber den andern zuo der linken . unde Jêsum dâ mitten .
 232r,6 Matheus . unde dô wart ervüllet di schrift di dâ sprichet .
 232r,7 “unde mit den ungerechten sal her geahet werden .”
 232r,8 unde dô Jêsum gekriuziget was . dô gâben si ime trinken
 232r,9 wîn mit gallen gemischt . unde dô her iz gesmakte . dô
 232r,10 en wolte her sîn niht trinken . Lucas . unde dô sprach Jêsum .
 232r,11 “vater vergip iz in . wan si en wizzen niht waz si tuon .”
 232r,12 Matheus . Lucas . Johannes unde dô di rittere Jêsum gekriuziget
 232r,13 hatten . dô nâmen si sîne kleidere unde teilten si in viere .
 232r,14 iegelîchem rittere ein teil . Johannes unde dô was ein
 232r,15 roc sunder nât . der was überal gewebe . unde dô sprâchen
 232r,16 si under einandere . “wir en sullen disen roc niht zuorîzen .
 232r,17 Matheus . Johannes aber wir werfen daz lôz weme
 232r,18 her werde .” ûf daz . ervüllet würde di schrift di dâ sprichet .
 232r,19 “si haben geteilet mîne kleidere . unde ûf mîn kleit wurfen
 232r,20 si daz lôz .” unde diz tâten di rittere . Lucas . unde daz
 232r,21 wâren ouch di sîn huotten . dô her an dem kriuze hienc .
 232r,22 Matheus . Johannes unde dô schreip Pilatus einen brieu .
 232r,23 unde satzte in ûf daz kriuze . unde dâ was ane geschriben
 232r,24 “Jêsum nazarenus der juden küninc .” Johannes unde disen brieu
 232r,25 lâsen vile juden di dar quâmen unde enwec giengen . wan
 232r,26 iz was nâhe bî der stat dâ Jêsum gekriuziget was .

 232v,1 unde her was geschriben êbrêische . unde kriechische . unde latînische .
 232v,2 unde dô sprâchen di vürsten der priestere zuo Pilatô .
 232v,3 “dû en salt niht schrîben der juden küninc . aber der dâ sprach .
 232v,4 ich bin der juden küninc .” dô sprach Pilatus . “daz ich geschriben
 232v,5 habe . daz habe ich geschriben .” Matheus . Markus
 232v,6 unde dô Jêsum hienc an dem kriuze . dô giengen si wider unde
 232v,7 vort unde verspotten in . unde wegeten ire houbete . unde sprâchen .
 232v,8 “wach . diz ist der den tÊmpel gotes brichet . unde in in
 232v,9 drîen tagen wider machet . erloese dich selber . ob dû gotes
 232v,10 sun bist . sô ganc von dem kriuze .” Matheus . Markus
 232v,11 Lucas unde zuo gelîcher wîs spotten sîn di vürsten der priestere
 232v,12 mit den schrîbâren unde mit den altesten des volkes . unde
 232v,13 sprâchen . “her hât andere heil gemachet . unde sich selber
 232v,14 en mac her niht heil gemachen . ist her küninc von Israhel . sô
 232v,15 gê her nû von dem kriuze . Matheus . daz wir zuo sehen . sô
 232v,16 mügen wir ime gelouben . her getrûwet gote nû erloese
 232v,17 her in ob her wile . wan her sprach . ich bin gotes sun .” Matheus .
 232v,18 Markus . Lucas . unde zuo gelîcher wîse sô verspotte
 232v,19 in ouch einer . von den di neben ime hiengen . Lucas . unde
 232v,20 sprach . “bis dû Christus sô erloese dich selber unde ouch uns .”
 232v,21 unde dô antwerte der andere . unde strâfete in unde sprach . “unde
 232v,22 dû bist in dem selben vertuomnisse . dâ her inne ist . nochdanne sô
 232v,23 en vürhtes dû got niht . aber wir sîn mit rehte verurteilt .

- 232v,24 wan wir haben iz verdienet . aber dirre en hât niht
 232v,25 übeles getân .” unde dô sprach her zuo Jêsu . “hêrre gedenke mîn sô
 232v,26 dû komest in dîn rîche .” unde dô sprach Jêsus zuo ime . “wâr
- 233r,1 sage ich dir . noch hiute salt dû mit mir sîn in dem
 233r,2 paradîse” Johannes . unde dô stuont neben dem kriuze
 233r,3 Jêsu muoter . unde sîner muoter swester Maria Cleophe . unde
 233r,4 Maria Magdalena . unde dô Jêsus sach sîne muoter unde den jungern
 233r,5 den her lieb hatte dâ stên . dô sprach her zuo sîner muoter . “wîp
 233r,6 sich dîn kint .” unde dâr nâch sprach her zuo dem jungern . “sich dîne
 233r,7 muoter .” unde von der stunte vûrebaz mêr sô hielt si der jungere vûre sîne
 233r,8 muoter . Matheus . Markus . Lucas unde dô Jêsus alsô an
 233r,9 dem kriuze gehangen was . unde umbe di sehste stunte
 233r,10 dô vergienc di sunne . unde wurden vinsternisse über alle di
 233r,11 erden von der sehsten stunte biz zuo der niunden . Matheus . Markus
 233r,12 unde umbe di niunde stunte . sô rief Jêsus mit grôzer stimme
 233r,13 unde sprach . “– – – .” daz ist . “mîn got .
 233r,14 mîn got . wie hâs dû mich gelâzen .” unde etelîche di dâ bî
 233r,15 stuonten . unde diz hôrten . di sprâchen . “dirre rüefet Eliam” Johannes
 233r,16 unde dô Jêsus sach daz iezunt alle dinc volbrâht wâren . ûf daz
 233r,17 di schrift ervüllet würde sô sprach her . “mich dûrstet .” Matheus .
 233r,18 Markus . Johannes unde dô stuont dâ ein vaz vol ezziches .
 233r,19 unde ein der di dâ stuonten lief unde nam einen swam
 233r,20 unde bant den obene an ein rôr . unde vulte in mit ezziche .
 233r,21 unde bôt ime zuo trinkenne Matheus . Markus unde dô riefen
 233r,22 di anderen . “beiten wir unde sehen . ob Elias kome . unde
 233r,23 in erloese .” unde dô rief Jêsus anderweit mit grôzer stimme .
 233r,24 Lucas unde sprach . “vater in dîne hende bevelhe ich mînen
 233r,25 geist .” Johannes unde dô Jêsus des ezziches gesmakte .
 233r,26 dô sprach her . “ez ist allez volbrâht .” unde neigete sîn houbet .
- 233v,1 Matheus . Markus . Lucas Johannes unde gap ûf sînen
 233v,2 geist . Matheus . Markus . Lucas unde ûf di selbe stunte
 233v,3 sô reiz der vûrehanc in dem tÊmpele in zwei stücke von dem obersten
 233v,4 biz zuo dem nidersten . Matheus unde di erde wart beweget .
 233v,5 unde di steine rizzen . unde di grebere teten sich ûf . unde vile
 233v,6 lîchame der heiligen di dâ sliefen di stuonten ûf unde giengen
 233v,7 ûz den greberen . unde bewîsten sich nâch sîner ûferstantunge
 233v,8 vile liuten in der heiligen stat Matheus . Markus
 233v,9 Lucas unde dô stuont dâ bî dem kriuze ein edel man centurio .
 233v,10 der hundert rittere hatte under ime . dô der sach di erden
 233v,11 biben . unde allez daz . wunder daz dô geschach . dô wart
 233v,12 her sêre erværet . unde ouch alle di mit ime stuonten . unde
 233v,13 huotten Jêsum . unde der hôhe man lobete got . unde sprach . “wærlîchen
 233v,14 dirre mennische was gereht unde gotes sun .” Lucas
 233v,15 unde allez daz volc daz dâ stuont unde diz wunder sach . daz
 233v,16 wart erværet . unde ir iegelîcher sluoc vûre sîn herze . unde kârte
 233v,17 wider zuo der stat wart . unde alle di sîne vriunde wâren geweset .

- 233v,18 unde di sîn künde hatten gehabet . unde vile vrouwen
 233v,19 di mit ime komen wâren von Galilea di stuonten
 233v,20 von verrenes . unde sâhen zuo . Matheus . Markus . unde under
 233v,21 den sô stuont Maria Magdalena unde Maria des minneren
 233v,22 Jakobes muoter . unde Josephis . unde Salomê . unde di muoter
 233v,23 Zebedei kindere . wan dise pflâgen ime zuo volgenne .
 233v,24 wanne her was in Galilea unde zuo dienenne Johannes unde
 233v,25 dô quâmen di juden wan iz ûf dem vrîtage was vore
 233v,26 den ôstern . unde vore dem tage der hôchzît . unde bâten Pilatum .
- 234r,1 daz man in ire bein brechen solte . unde daz . man si hine wec tuon
 234r,2 mohte . vore dem tage der hôchzît . unde daz si niht en beliben
 234r,3 hangen an dem kriuze . ûf den tac der hôchzît . dô quâmen
 234r,4 di rittere zuo dem êrsten . unde brâchen ime sîne bein . unde dâr
 234r,5 nâch zuo dem andern . unde brâchen ime ouch sîne bein . unde
 234r,6 dô si zuo Jêsu quâmen . dô vunt si in tât . unde dâr umbe en brâchen
 234r,7 si ime sîner beine niht . aber einer der rittere offenete ime
 234r,8 sîne sîten mit eineme spere . unde zuohant gienc dâr ûz bluot
 234r,9 unde wazzer . unde der diz sach der gap geziugnisse . unde sîn geziugnisse
 234r,10 ist wâr . unde her weiz wole daz her wâr sait . unde
 234r,11 dâr umbe geziuget her iz . daz ouch ir iz geloubet . wan diz
 234r,12 geschach . ûf daz di schrift ervüllet würde . di dâ sprichet .
 234r,13 “ein bein en sal niht geminneret werden von ime .” unde eine
 234r,14 andere schrift sprichet . “si sullen noch den ane sehen . den si
 234r,15 durchstâchen .” Matheus . Markus . Lucas . Johannes aber
 234r,16 dô iz dem âbende nâhete . dô quam ein rîcher man unde edel . der
 234r,17 zên rittere hatte under ime . unde der was von Arimathia
 234r,18 der stat Judê . unde hiez Josepch . unde was ein guot man unde
 234r,19 gerecht . unde Jêsu jungere heimelîche . durch di vorhte
 234r,20 der juden . unde was ouch wartente des rîches gotes . unde
 234r,21 en volgete niht ireme râte . noch iren tæten . unde dirre quam
 234r,22 türsticlîchen zuo Pilatô . unde bat in daz her ime den lîcham
 234r,23 Jêsu gæbe Markus unde dô wunderte iz Pilatum ob her
 234r,24 iezunt verscheiden wære . unde dô quam centurio . dô vrâgete
 234r,25 Pilatus centurionem ob her iezunt tât wære . unde dô her vernam
 234r,26 von ime . dô bevalh her . daz man Josephe den lîcham gæbe .
- 234v,1 Johannes . unde dô quam Nicodemus . der des nahtes quam zuo
 234v,2 Jêsu . unde brâhten eine grôze wâge von mirren unde âlôe
 234v,3 unde des was wole als hundert pfunt . unde dise nâmen den lîcham
 234v,4 Jêsu . unde leiten in in ein reine lînîn tuoch . unde wunden in dâr in
 234v,5 in den wurzen . alse der site was der juden zuo begrabenne . unde bî
 234v,6 der stat dâ Jêsus gekriuziget wart . dâ was ein garte . unde in dem
 234v,7 garten ein niuwe grap in daz noch nie niemant geleget
 234v,8 wart . unde durch di hôchzît der juden . wan iz nâh was daz grap
 234v,9 Matheus Markus . Lucas Johannes . sô nam Josepch den lîcham Jêsu .
 234v,10 unde legete in in daz niuwe grap . daz in einen stein gehouwen
 234v,11 was . unde vûre di türe des grabes weckete her einen grôzen

- 234v,12 stein unde gienc her abe . Matheus . Markus aber Maria Magdalena
234v,13 unde ein andere Maria . wâren dâ bî sitzente bî dem grabe .
234v,14 Lucas . unde ouch volgeten ime di vrouwen di mit ime
234v,15 komen wâren von Galilea zuo sênne daz grap . unde wie der lîcham
234v,16 Jêsû geleget was . unde kârtên wider zuo bereitenne wurze
234v,17 unde salbe . unde si beliben zuo hûse den sunnenâbent . nâch dem gebote
234v,18 der ê Matheus aber an dem andern tage der dâ ist nâh dem
234v,19 vîrtage . dô quâmen zuosamene di vûrsten der priestere . unde di phariseî
zuo
234v,20 Pilatô . unde sprâchen . “hêrre wir haben gedâht daz jener verleitere
234v,21 sprach . dô her noch lebete . nâh drî tagen erstê ich wider . unde dâr umbe
234v,22 heiz des grabes hûeten biz in den dritten tac . ûf daz lîhte sîne jungere
234v,23 niht kumen . unde in stelen . unde dem volke sagen her sî ûf erstanten .
234v,24 von dem tôde . wan di irrunge wirdet arger wen di êrste .” aber Pilatus
sprach
234v,25 zuo in . “ir habet di huote gêt unde hûetet als ir wizzet .” unde si
234v,26 giengen enwec . unde bewarten daz grap . unde zeichenten den stein mit
den huotæren .
- 235r,1 dise diutunge des latînes in daz diutische ist
235r,2 gemachet .. Mathie von Bêheim dem klûsenære
235r,3 zuo Halle nâch unsers hêrren geburt tûsent jâr
235r,4 unde drî hundert . unde in dem drî unde vierzigsten
235r,5 jâre . an sancte Jakobes âbende des apostelen . âmên .
235r,6 - - - - - .